


AN XVIII



nal

1937

An XV E. F.
Societât Filologhe Furlane
UDIN




IL STROLIC FURLÀN

PAL

AN XVIII

1937



cun due' i marciâz
e lis' sagris
de Furlanie

Societât filològiche furlane
Udîm 1936 · XV.

89

Calendari par l'an 1937

Èpochis

L'AN DI CRIST 1937 AL CORISPUINT AL AN: 7136 de creazion dal mont secònt il Martirologio Român e 5941 secònt l'opinion comùn dai cronisc'; — 6650 dal periodo giuliàn; — 4843 dal diluvi; — 2713 de prime Olimpiade; — 2690 de fondazion di Rome; — 2123 de fondazion di Aquilee; — 1355 dai maometàns; — 15 dal Fascismo.

Eclis

Cest an, nissùn eclis, ne di soreli ne di lune, si podarà viodi da l'Europe. Ju metin l'instès par chei furlàns c'a son plui lontàns.

DI SORELI: Totâl ai 8 di juin. Si lu viodarà dome ta l'Amèriche dal Nord e ta ché dal Sud, de bande dal Pacific; Parziâl ai 2-3 di dicembar.

DI LUNE: Parziâl ai 18 di novembar. Si lu viodarà in Inghiltere, ta l'Amèriche dal Nord e ta ché dal Sud.

CALENDARI CIVIL

- 1) Son zornadis di fieste par dut ce c'al riguarde il civil: lis domènis — il prin dal an — il dì de Pifanie (6 di zenâr) — S. Josèf (19 di marz) — il 21 di avrìl (Nadâl di Rome) — il dì de Sense — dal Corpus Dòmini — dai sanz Pieri e Pauli (29 di juin) — de Assunte (15 di avòst) — il 28 otubar — l'Imacolade Concezion (8 dicembar) — Nadâl (25 di dicembar).

In plui, par Udin, il dì dai sanz Ermàcore e Fortunât (12 di lui) e, par Gurizze, il dì dai sanz Ilari e Tazian (16 di marz), patronos de lis dôs Diòcesis.

- 2) Fiestis nazonâls: la prime domènie di juin (celebrazion de Unitât d'Italie e dal Statût) — il 12 otubar (scuviarte da l'Amèriche — il 4 di novembar (aniversari de Vitòrie).
- 3) Solenitâz puramentri civils: l'11 di fevrâr (aniversari de Conciliazion) — il 24 di mai (aniversari de declarazion de uere) — l'11 di novembar (Natalizi dal Re).

Altris fiestis

8 di zenâr: Natalizi de Regine	18 di avòst: Non de Regine
9 di zenâr: Muart di V. E. II.	14 di marz: Com. di Umb. I.
15 di set.: Natal. dal Princip Ered.	

CALENDARI ECLESIASTIC

Numars corinz

Lètare Domenicâl	C	Ciclo solâr	14
Lètare dal Martir. s (pizzule)		Indizion romane	5
Numar d'aur	19	Dom. dopo l'Epifanie	2
Epate	17	Dom. dopo lis Pentec.	27

Fiestis mòbilis

SS. Non di Gesù, 3 di zenâr — S. Famee, 10 di zenâr — Setuagèsime, 24 di zenâr — Prin di Crèsime, 10 di fevrâr — Siet Dolôrs di M. V., 19 di avrîl — Pasche, 28 di marz — La Sense, 6 di mai — Lis Pentecostis, 16 di mai — SS. Trinitât, 23 di mai — Corpus Domini, 27 di mai — SS. Cûr di Gesù, 4 di juin — Regalitât di N S., 31 di otubar — Prime domènie di Avènt, 28 di novembar.

Rogazions

3 - 4 - 5 di mai

Fiestis di precèt

Son di precèt eclesiastic dutis lis domèniis e lis altris fiestis religiosis dal Calendari civil. Lis fiestis de Nativitât di Marie (8 di set.), di San Stieffin (26 di dic.) e la II fieste di Pasche, segnadis tal calendari cun t'une crôs pizzule, 'e son tignudis, par cont des funziions, come fiestis grandis, ma no son di precèt.

Quatri Timporis

Primevere	17 - 19 - 20 di fevrâr
Istât	19 - 21 - 22 di mai
Autûn	15 - 17 - 18 di setembar
Unviar	15 - 17 - 18 di dicembar

Astinenzis e villis

(C. J. C. can. 1252)

La lez de astinenze (o sei di no mangiâ di gràs) 'e va osservade in duc' i vinars — in dutis lis sâbidis di Crèsime (Sâbide Sante fin a misdi) — tes Quatri Timporis e tes villis des Pentecostis, da l'Assunte, di Duc' i Sanz e di Nadâl, pur che no colin di domènie.



Dissèn di Lee D'Orlandi

*« Pàs cun duc', cui vissìns
e cui lontàns, pàs armade ».*

Dal discòrs dal DUCE a Milàn
il I di novembar 1936 - XV.

1 9 3 7

No bisugne vè speranze
che no ocori un bon gabàn,
chè tal frèt si tire donge
ogni sorte di malàn.

Taponait ogni fressure;
provarès ce vivi fin,
se di fûr jé la criure
a stâ dentri tal cialdin.

Se ta cort la passarute
va cirint di becolâ,
lassait stâ tramais palissis,
ma butaigi di mangiâ.

Carnevâl la farà curte
chè chest an l'à il timp contât.
Biel balânt, ciaris fantatis,
no steit fâsi manciâ il flât.

Quant che il frèt s'ciamparà vie
e nature 'e larà in flôr,
tornaràn lis sisilutis
sul pujûl a fâ l'amôr.

Tornarà, cu la pulizete,
in tal bosc il rusignûl
cul so ciant di nostalgie
par chest nestri biel Friûl.

Cheste anade sarà buine
par il nestri contadin
c'al farà formènt e blave,
e galete e fen e vin.

Al farà tantis patatis:
e fasui, no si discôr,
al varà ogni ben di Dio
cu la grâzie dal Signôr.

Malincunìe

Rassegninsi. Il timp c'al passe,
nus ingrispe ormai la piel,
za tal cûr 'o vin la glazze
e la nêf sot el ciapiel...

L'ore buine si slontane,
l'ore dolze dal avrìl,
sofle ormai la tramontane,
plui soreli nol à el cil.

Rassegninsi. Si avizine
za la strie dal falzèt
planc a planc, cidìn cidine
nus prepare il cadarlèt.

Cence dül la vite amare
in chel di saludarìn.
Ce tant ben, là jù sot tiare,
ce tant ben c'o duarmarin.

Autùn dal 1936.


GERANI PETRÒS

Storiutis di Spilimbèrc

Un contadin, orlojâr diletànt a timp piardût, al veva disfât l'orloi dai ombrenâr e mitût li' rodelis e duciù i altris tocs a muèl tal petròlio in t'un platelût; un siò amigo di scuindòn, par fâlu mateâ, 'a 'i à mitût tal platèl una rodela di un altri orloi; sikhè il pûar om, dopo tornât a fâ sù l'orloi al si è ciatât cun t'una rodela in pì; e sicome che naturalmentri l'orloi al coreva istès, ciatât l'ombrenâr 'a 'i à dit dut contènt: Ciò copari, l'orloi al va benòn e anciamò 'a mi è vanzât una rodela!

Marcùt Petovèl, di giamba lùngia e bon ciaminadôr, a un naulisin che 'a 'i veva proferit di ciapâlu sù su la so vetura 'a 'i à rispuindût: Nò, nò, grazie, 'i ài premura.

TORQUATO LINZI



Dissèn di T. Bauzòn

*Cumò cul auto si cor tant pi fuart:
Ma... màncie la fermade a bevi un quart.*

El vècio mulin

Clarine, cidine,
la roe planchin
'e va, si vicine
al vècio mulin;
co rive, di sbris
sot vie 'e spariss.

E l'aghe tes palis
— al pâr che la ruede
'e vebi lis alis —
si sbat, si messede,
si fruzze, si schizze
e intòr si sparnizze

pal museli c'al mene
par dut ad implèn;
'e sborfe la schene
dal perno di len,
po 'e cole, s'ingrume
par sot cu la sbrume.

Là dentri al navighe
pront, svelt el paròn,
dut voli, al distrighe
par ogni ciantòn;
te muele al machine
dut blanc di farine.

El sac 'o puartavi
anc' jo chì di frut;
curiôs 'o cialavi,
toclavi par dut;
e mi ere tant biele
la vore de muele.

PIERI MATION

Fruzzòns

'Ne violùte si lagnave
che il costùm nol è pluì chel,
che cumò lis fantacinis
no la vuelin par modèl.

Une rose, dute in pompe,
a i rispuint, dopo sintùt:
— Benedete, zirìe il genar,
se, in comèrcio, l'è scuindùt?

Se par câs qualchi fantate
i tu vâs par nasicâ,
ten a menz: rive fûr d'ore
quant che niùn al sta a spetâ.

Cemût che san Pieri 'l è restât senze ciavei

Cheste le contin di là des nestris monz ma la stòrie 'e à 'ne grande parentele cun chel grump di tantis âtris che contin in Furlanie sul Signôr e san Pieri, che da bon 'e val la pene di scoltâle.

Lavin atôr pai cianai de Alte, 'ne volte, il Signôr e san Pieri. Une di, binorone inmò, lôr ti ciapârin sù un troi; ma ciamine che ti ciamine, cun t'un soreli c'al sbroave, no erin mai boins di rivâ insòmp. E come il lôr solit, vevin duc' i doi une fan buzaron. Capitâs, quan che Diu al à ulût, dôngie 'ne casere, ur vigni incuintri un odorin di fritulis di fâ resussitâ un muart. Si viôt che di chês bandis in ché zornade 'e veve di jessi stade qualchi sagre.

San Pieri che dome a nuli l'ajar si sintive a vigni mâl, no podint pui resisti, al jentrà tal fogolâr e al domandâ la caritât di une fritule. Vude che le vè, cussi 'e spari. La fêmine che stave fridint, 'i disè alore:

— Chel poar là di fûr no esal cun vô?

— Sì lui, ma nol olse a jentrâ — 'i rispuindè san Pieri.

Chel trat di bon rispjet al plasè 'ne vorone 'e fêmine che tornà a dâ al nestri omp âtris tre fritulis, par c'an puartâs dôs âncie al so compâgn. San Pieri, ringrassiât c'al vè benin benin, tal saltâ fûr al platâ svelt dos fritulis sot il ciapiel e al slungjà dome une al Signôr che lu spetave sul troi.

E vie lôr, prime il Signôr e daûr san Pieri.

Il soreli al scotave di rusti i zerviei e il saîn des fritulis c'al veve sot il ciapiel, ben prest al comenzâ a cori jù pe muse di san Pieri.

Dopo une buine dade il Signôr, voltansi a colp, i domandâ:

— Parcè sùdistu tant, Pieri? Giave il ciapiel, almancul.

Ma san Pieri testârt:

— Parcè ào di giavâlu? No mi dâ migo fastidi, ve' — i rispuindè, zirint subite di cambiâ discòrs.

— Tu tu âs alc sot il ciapiel alore — i disè il Signôr.

— Nuje no ài jo — al tornà a rispuindi san Pieri cu la muse pui rote di chest mont.

Ma il Signôr che nol ciale dome la int tai vôi, ma al sa lei âncie tal lôr cûr e c'al saveve di ce pît c'al lave zot il so discepul, i disè:

— Se cumò no tu âs nuje sot il ciapiel, âncie par l'avigni no tu varâs nuje.

A chestis peraulis, dut spaventât, san Pieri al tirà jù svelt il so ciapiel, ma lis dôs fritulis no erin pui e cun lôr àncie sul so ciâf erin spariz duc' i clavei. Disperât e pentît al domandà subite pardòn al Signôr, zurânt di no di mai pui bausiis.

Il Signôr i perdonà, ma di ché di indenânt san Pieri, par ciastic, al è restât cun ché biele coze spelade che duc' 'e san.

RINALDO VIDONI

Il convegno des fiestis grandis

Prin dal an

Jo soi il «Prin dal An»
e duc', co rivi jo, disin: Bon an
Bon an... bon an... bon an....
Ma jo no soi Bonàn:
Jo soi el «Prin dal An»
Che ogni malàn us stei simpri lontàn

Pifanie

Jo soi la Pifanie
c'o slungi la zornade un pît di strie.
Ma jo no soi 'ne strie,
pardindidie,
àncie s'o puarti vie
lis fiestis, par fai ràbie 'e baronie!

Carnevâl

Jo soi el Carnevâl
e quant c'o soi cà jo ogni scherz al vâl,
e duc' 'e van al bal,
e chel che al mi vûl ben nol à mai mâl.
L'è par chest che si sberle biel auâl:
Evive il Carnevâl!

FABIO GALLIUS

Quant che un strani, un pôc ti lustre,
si sfreole intôr di te,
tu sta in vuardie, che pôc dopo
l'à bisugne di un plasè.

a. j.

Zenâr

Il soreli al jeve es 7,46.

Al tramonte es 16,14.

Al dure oris 8,28 (*).

✠	1	V	<i>Circoncis. di N. S.</i>	
	2	S	s. Zoilo conf.	
✠	3	D	ss. <i>Non di Gesù</i>	
	4	L	s. Tito v.	U.Q.
	5	M	s. Telèsforo p. m.	
✠	6	M	<i>Pifanie</i> (Pasche Tafànie)	
	7	J	s. Crispìn vesc. c.	
	8	V	s. Severìn	
			(<i>Nàssite de Regine</i>)	
	9	S	s. Marcelìn	
			(<i>Muart di Vit. Em. II</i>)	
✠	10	D	<i>Sacre Famee</i>	
	11	L	s. Gino p. m.	
	12	M	s. Probo	L.G.
	13	M	s. Massim v.	
	14	J	B. Durì di Pordenòn	
	15	V	s. Màur ab.	
	16	S	s. Marcèl pape	
✠	17	D	s. <i>Antoni ab.</i>	
	18	L	Càtedre di S. Pieri	
	19	M	ss. Paulìn di Aquilee	
			e Mario	P.Q.
	20	M	ss. Fabian e Sebastian	
	21	J	s. Agnès v. m.	
	22	V	ss. Vizèns e Anast. mm.	
	23	S	s. Raimònt conf	
✠	24	D	s. <i>Timòteo</i> (<i>Setuagèsime</i>)	
	25	L	Convers. di s. Pauli	
	26	M	s. Policàrp vesc.	L.P.
	27	M	s. Zuan Grisost. v. d.	
	28	J	s. Pieri Nolàsc conf.	
	29	V	s. Francèsc di Sales c. d.	
	30	S	s. Martine v. m.	
✠	31	D	s. <i>Zuan Bosco</i>	

Par serèn c'al sedi il cil
l'è simpri un bâr di nûl.


Une ridade giave un claut
de casse.

L'è miôr mangià dut ce che
[si à
che no contâ dut ce che si sa.

'E disin des féminis:
Chel che nol fâs il Signôr
al fâs il sartôr.

San Vicènz gran criure,
s. Lorènz gran cialdûre:
l'une e l'altre pôc 'e dure.

(*) S' intint simpri pe prime di dal mès e par Udin.



Dissèn di T. Bauzòn

*Aghe, aghe, simpri aghe
E mai mai gote di vin:
Se une dì plovès rabuele
Al sarès un biel distìn!*

Fevrâr

Il soreli al jeve es 7,15.

Al tramonte es 16,45.

Al dure oris 9,30.

	1	L	s. Ignazi m. (<i>Fieste de Milizie</i>)	
	2	M	Purificazion di M. V.	
	3	M	s. Blâs vesc. m.	U.Q.
	4	J	s. Dree Corsin (<i>Joibe grasse</i>)	
	5	V	s. Aghite v. m.	
✠	6	S	s. Dorotee v. m.	
	7	D	s. Romuàlt ab.	
	8	L	s. Giovenzi v. (<i>Sevrût</i>)	
	9	M	s. Polònie v. m. (<i>Ultin di Carnevâl</i>)	
	10	M	<i>Prin di Crèsime</i>	
	11	J	La Madone di Lourdes L.G. (<i>Fieste de conciliaziòn</i>)	La dote de fémine 'e sta tai comedòns.
	12	V	ss. Siet Fondatòrs	
	13	S	s. Fòs'cie	
✠	14	D	s. Valentin v. m. (<i>I dom. di Crèsime</i>)	La vite jé il contènt dai fortunâz e il tormènt dai di- sgraziâs.
	15	L	ss. Faustin e Giovite	
	16	M	s. Giuliane	
	17	M	ss. Martirs di Concuâr. T	
	18	J	s. Simeon vesc.	P.Q.
	19	V	s. Corado m.	T.
	20	S	s. Leon vesc.	T.
✠	21	D	s. Massimian v. (<i>II. dom. di Crèsime</i>)	— Misèrie, ustu panade? — Si jo, mari. — Ben, vati ciol la sedòn. — No, mari, no uei panade.
	22	L	Cat. s. Pieri in Antioc.	
	23	M	s. Pieri Damian	
	24	M	s. Matie ap.	
	25	J	s. Filis pape	
	26	V	s. Sandri	L.P.
	27	S	s. Gabriel de Dolorade	
✠	28	D	s. Romàn (<i>III. dom. di Crèsime</i>)	Cui c'al ciale ogni nûl no si met mai in viaz.

Il filòsofo sior Lùzio

O! ce bon om c'al jere, e ce ben che duc' 'i olevin tal pais. Sclet in tes rispuestis e là c'al meretave di tajà al tajave cence remission sei in ben che in mal, simpri ridint e ciolint in zîr cu lis sos sentenzis plenis di savôr.

— Sior Lùzio, âl savût? el cavalir Nardin al è stât fat comendatôr... ce 'i pàrial?

— E sono tros ains c'al jere cavalir?

— Apene un an... No 'i pàrial, Sior Lùzio, che sei maraveose?

— 'E jé dabòn maraveose... anzit mi dòl di maravee.

— Parcè po?

— Folc, 'e vevin di spietà almancul che il cavalir al vès fate la galete.

Vècio e plen di mal, al jere za sul pont di tirà il pît e duc' i soi amis 'e levin a ciatâlu, che s'intint par dâi un po' di coràgio.

— Tu sês beât in ta chel jet, ciar il miò Lùzio... Jo, viostu! 'O ài un reumo che nol ûl molâmi e al mi disturbe il stomi e la digestion, lis venis vericosis, un mal di schene che mi fâs stuarzi la gnarvadure come un venc... chel mostro di ris'ciâlt che nol mi dà padin... insumis lis ài dutis novantenûf, e tant mi doi coràgio.

— Po' benedèt... t'al crôt... ma tant tu devis vè un gran grump di salût tu, par sopuartâ duc' chei malâns, po' benedèt...

Lui, puarèt, no 'n veve tros: ma in ta ché di al lassà cà la scusse.

COSTANTIN SMANIOT

Pasche

Jo soi la Pasche, amis, c'o puarti flors
e ûs, e sparcs a gruns par puôrs e siors.
C'o puarti la fujazze
e il clip che duc', cumò, puedin lâ in plazze
senze pore de glazze.

E duc' mi sberlin: Vive la to fazze!

FABIO GALIUS

Marz

Il soreli al jeve es 6,32.
Al tramonte es 17,28.
Al dure oris 10,56.

	1	L	s. Albìn vesc.		
	2	M	s. Simplicii pape		
	3	M	s. Cunegonde imp.		
	4	J	ss. Lùzio e Casimiro		
	5	V	s. Adriàn m.	U.Q.	
	6	S	ss. Perpèt. e Filizite m.		
✠	7	D	s. Tomàs di Aquin dot. (IV dom. di Crèsime)		Se il zovin al savès, se il vècio al podès, no sarès nissune robe che [no si podès.
	8	L	s. Zuan di Dio conf.		
	9	M	s. Francesche Romane v.		La tristèrie ' mene misèrie, la misèrie 'e mene pedoi, i pedoi 'e mangin àncie i vôi.
	10	M	ss. XL Martirs		
	11	J	s. Eulogi		
	12	V	s. Gregori I pape	I.G.	
	13	S	s. Cristine v. m.		
✠	14	D	Domènè di Passion		Al è muart chel c'al tabacave e al à lassât un carantàn; al è muart chel che nol ta- [bacave e non d'à lassât un gran.
	15	L	s. Zacarie (Com. di Umberto I)		
	16	M	ss. Ilari e Tazian (Patronos di Gurizze)		
	17	M	s. Patrizi vesc. c.		
✠	18	J	s. Cirilo v. conf.		
	19	V	s. Josèt spôs di M.V. P.Q.		
✠	20	S	s. Giulian v.		Si ciapin plui mos'cis cun t'une tazze di mil che no cun t'une bote di asèt.
	21	D	Domènè Olive		
	22	L	s. Benvignùt		
	23	M	s. Fedèl (Costituz. dal Fàscio)		
	24	M	s. Gabriel Arcagnul		
	25	J	Joibe sante		
	26	V	Vinars sant		
	27	S	Sàbide sante	L.P.	S'al pluf di Vinars Sant segno di sec che al quarte [vie dut quant.
✠	28	D	Pasche di Resurezion		
†	29	L	II fieste di Pasche		
	30	M	s. Matilde		
	31	M	s. Beniamin		

Fûr di plomp

Dio mi vuardi, se di frute
mi azardavi, ogni qual trat,
a intrometi la mé lenghe
tal discòrs di qualchi fat,

c'a tratavin granc' o vècios,
in presince lì, di me.

— Zito, tu, cu la to lenghe! —

— Simpri i fruz àn di tasé! —

E inalore jo, 'i tasevi:

ubidivi in dut, par dut,
rassegnade a smuarz e brene
c'al doveve puartâ il frût.

Plui devànt, se qualchi volte
i ris'ciavi 'ne opinion
ch'i vedevi juste, drete,
sostignude di rasòn:

— Eh! si sa: sence sperienze,
vualtris crodis di svualá! —

— Zoventût? Dome par ajar
i cis'ciei sa fabricá —

— Sì, ma il studi.... — Zito, vie!

La gramâtiche l'è un cont,
ma la prâtiche dai vècios
à sburtât devànt il mont! —

Simpri cedi. Ma pensavi:

— Il gno timp al vignarà;

àncie jo, vòs in ciâpitul

i varai par comandá;

e cussì sarai scoltade,
s'i darai un bon consei.

Cui ricuarz da mé sperienze
mostrarai la strade miei.

E sarai simpri ubidide

e varai stime e rispièt,

se, par sorte, te mé vite

mì larà manciànt l'afiét.

E chel timp, cun ché lusinghe

l'è rivât. E tra i nevòz

qualchi volte jo i mi ris'ci,

sevi in scrit o sevi a vòs,

di lá, fûr, cun chei principis
che par me son e saràn
fondamentis saldis dretis
che ogni timp a sfidaràn.

— Ma che dici? Non comprendi —

— Non t'aggiorni e ciò non va —

— Pur essendo intelligente,
altra tu hai mentalità —

Sanctus Deus! Cialait ce robis!
Ne m'incontri cul zurviél.
Jo, cui vècios di une volte
no podevi stá a livèl
e cumò cui zovins, mancul.
Nè presint e nè passât.
Sichè duncie: e la sperance
di prestìgio ben quistât?

Forsi i eri destinade
e il destìn nissùn lu romp.
Rassegninsi. Pa la vite,
soi nassude fûr di plomp!

ANUTE FABRIS

L' o m b r e l â r

... Un brau ombrelâr d'Andrees al zi, un an, fin a Spilumbèrc, par podèi guadagnâ un toc de pan par sè e par siò fis.

Al plouf; a se presenta 'na siora: Comedaime ché ombrela chi, paròn!

Dopo un puòc l'ombrela è giustada. Ce tant al gniò dovei? a ge domanda ché fèmena.

Un franc, parona. Un franc? eisal mat? no ge doi gnanc' cinquanta scheis par chel lavour c'a m'à fat!

E l'ombrelâr, indispetit, cenza stâ uvi a contratâ e a cridâ, a se contentâ pierde dut: a ge torna a rompe l'ombrela e a ge la riconsegna a ché siora che è restada de clap!

Andreis.

UGO PIAZZA



Dissèn di T. Bauzòn

*Fin che jé aghe te fontane
Simpri brùt là di siore Mariane.*

Avrîl

Il soreli al jeve es 5,40.

Al tramonte es 18,20.

Al dure oris 12,40.

	1	J	s. Venanzi v. m.	
	2	V	s. Francèsc di Pàule	
	3	S	s. Ricardo	
✠	4	D	<i>Domenie « in Albis »</i> U.Q.	A brusà brus'cins e brus'cis
	5	L	s. Vicènz Ferreri c.	la mignestre 'e pie di fum:
	6	M	s. Celso vesc.	a impazzâsi cun canae
	7	M	s. Epifani vesc.	no s' impare mai custùm.
	8	J	s. Dionis vesc.	
	9	V	s. Clèofe sùr de Madone	
	10	S	s. Pompeo m.	
✠	11	D	s. <i>Leon pape m.</i> L.G.	La setemane dai cialiârs:
	12	L	s. Giulio pape	Lunis par san Martin,
	13	M	s. Gildo re	martars par san Crispin,
	14	M	s. Justin m.	miercus 'e ven la sflâcie,
	15	J	s. Veròniche	joibe 'e si stirâcie,
	16	V	s. Calist m.	vinars cussi cussi,
	17	S	s. Anicêt p. m. P.Q.	sàbide dut il dì,
✠	18	D	<i>Dedic. dal Domo di Udin</i>	domènie fin misdi.
	19	L	s. Ermògene Aquil.	
	20	M	s. Adalgise	
	21	M	s. Ansèlmo v. dot. (<i>Nadâl di Rome</i>)	Cui che nol comede la
	22	J	ss. Sotèr e Cai	buse pizzule al comede la
	23	V	B. Elîne Valentinis di Udin - s. Zorz	buse grande.
	24	S	s. Fedèl di Sigmar m.	
✠	25	D	s. <i>Marc envang.</i> L.P.	A fuarze di grans di ue
	26	L	ss. Cleto e Marcellin	un sior l'à fat cent cuinz di
	27	M	s. Zite v.	[vin.
	28	M	s. Pàuli de Crôs c.	
	29	J	s. Pieri m.	
	30	V	s. Catarine di Siene	

Lis fùcsiis

Passànt traviars da viuzzis dal pais se tu butis un cialòn su di un barcòn là che sta di ciase une fantazzute di maridà, dal sigùr a tu viodis a pindulà bielis e fres'cis lis fùcsiis. E lis nestris fininutis a lassaràn stà magari par une sere di regolà el ort, ma no mai no si dismentearàn, co 'l soreli al va a mont, di dâi une sborfade di aghe al vâs là che ti cressin sù chei flòrs. La nestre frutate quant che va a marit, a ciolarà cun sè ta ciase gnove no dome la casse da dote dute plene di ninzui, ciamesis, ciamisolis e di tantis altris robis mitudis adùn a fuarze di sudòrs ta filande o tal ciamp, ma ance chel biel vâs di fùcsiis. E plui di une volte je dopo sposade a si ricuardarà di ché plante là che je di fantate a platave i siei vôi di more nere quant che 'l moròs al passave lì di sot vie.

Ben! Ma tu no tu sâs che ance lis fùcsiis a jan une stòrie maraveose. Propit da bon!

El nestri bon Signôr al è distiràt su la cròs. I manigòlz a jan za in man clauz e marcièl par torturà ancemò chel cuarp za dut insanganât e dut macolât di legnadis.

— Cà gi vuarès une buine cuarde, par leâgi li mans e i piz su la cròs, e che no 'l si movi batint i clauz — al dis un di chei manigòlz.

— Ma, la cuarde mo dulà ise lade a imbusâsi — i rispuint un altri.

Ma zir di cà e zir di là no son boins di ciatà nance une quarte di cuarde.

— Cialait mo a cà chiste plante che si strissine a magne sul cret: si podarès doprâle àncie chiste, tant di plui che à tant di spinis! Cu lis spinis no si scherze! Lîngi li mans e i piz cun chiste plante e sarin sigùrs che no 'l si moverà par paùre di spinâsi — e jù une ridade che pâr une urlade di une be've.

Senze di nin tre nin quatri al cor lui di ché bande, al fâs par crevâ jù la plante; ma la plante, 'pene che lis mans di chel ladròn a son par crevâle, si ten strente strente tacade sul cret e lis spinis s'indrezzin e i sbusin fûr par fûr ches manatis. No ti disì i ziulòns e lis blestemis che saltin fûr di ché bociate! Chel altri manigòlt al si met a sberlà: — Ze 'se di ziulâ cumò! Vegni ben jo cul marcièl! — e 'l ti va ance: e jù marceladis a drete e a zanche sun ché plante che vol o no vol a dovi distacâsi dal cret. El ladròn al met insieme dôs tre ramazzis e 'l fâs come une cuarde dute plene di spinis. Cun chiste cuarde i lee mans e piz su la cròs al nestri Signôr, robis di fâ sgrisui dome a pensâsi! E po al si met a pestâ i clauz che 'l sanc al spizzule a sborfadis.

Mai

Il soreli al jeve es 4,53.

Al tramonte es 19,07.

Al dure oris 14,14.

	1	S	ss. Filip e Jacum app.
✠	2	D	s. <i>Atanasi v.</i>
	3	L	Inv. de S. Crôs <i>Rog. U.Q.</i>
	4	M	s. Gotàrt <i>Rog.</i>
	5	M	s. Florean <i>Rog.</i>
✠	6	J	<i>La Sense</i>
	7	V	s. Stanislao vesc. m.
	8	S	Apar. di s. Michêl
✠	9	D	s. <i>Gregori Nazianzàn</i>
	10	L	s. Antonìn v. <i>L.G.</i>
	11	M	ss. Massim e Fàbio mm.
	12	M	ss. Achille e Pancrazi m.
	13	J	s. Robèrt Belarmìn v. d.
	14	V	s. Bonifazi m.
	15	S	s. Zuan Bat. de la Salle
✠	16	D	<i>Pentecostis</i>
	17	L	s. Pascâl c. <i>P.Q.</i>
	18	M	s. Venanzi m.
	19	M	s. Pieri Celestìn c. p. <i>T.</i>
	20	J	s. Bernardìn di Siene c. <i>T.</i>
	21	V	s. Valènt <i>T.</i>
	22	S	s. Rite <i>T.</i>
✠	23	D	ss. <i>Trinitât</i>
	24	L	s. Silvàn <i>Aniv. de decl. de uere</i>
	25	M	s. Gregori VII pape <i>L.P.</i>
	26	M	s. Filip Neri c.
✠	27	J	<i>Corpus Dòmini</i>
	28	V	s. Ustìn v.
	29	S	s. Marie M. "dei Pazzi "
✠	30	D	s. <i>Nando v.</i>
	31	L	s. Canzian e C. m. m. di Aquilee

5 di mai - Dopo apene siet mès di uere — combatude cu lis solis nestrìs fuarzis, cu la nestre fede, cul nestri valôr, cuintri duc' i nemis potènz c'o vevin — i nestrìs soldâz 'e jentrin a Addis Abeba.

9 di mai - Il Duce al proclame a dut il popul talian, che al sta a scoltâlu di un cûr sol, che L'ITALIE 'E À IL SO IMPERO. Une gnove è-pocche si vierz pe nestre Patrie.

Il Friul, c'al à za dât tanc' soldâz par cheste grande imprese e c'al è il prin — fra lis regions d'Italie — pal numar de int mandade a lavorâ tes gnovis tiaris da l'Italie fasciste, nol varà plui cumò di jodi tanc' dai siei fis a lâ atôr pal mont, in tiaris forestis, a portâ il lôr inzèn e la lôr òpare in pro di altre int.

La cròs cul Signòr parsore a jé za tirade sù in pins. Ché plante a jé dute imbombade di sanc!

— Ninine di plante — si sint a di el Signòr che 'l plee el ciâf e 'l ciale là vie là che altris di ché plante a magne a stan come murtificadis sul cret — plante benedete, tu tu âs vût compassion di me; tu tu ti tignivis strente sul clap par no vignî a fâmi mal; tu tu âs spunzût lis mans dal ladròn, tu par no sbusâ la mé ciar! Oh, plante benedete, 'l è di just che 'l to bon cûr al vedi un premit: di cumò indenànt tu no tu varâs plui spinis; no tu ti strissinarâs plui in jenfere dai crez tal miez da magnis e dai sarpinz; la int no zîrarà plui di di-strûziti; ma tu varâs invezi da spinis flôrs colôr dal miò sanc: quatri fujutis a saràn lis firidis dai miei pîz e da mes mans e po tal miez come une gote di sanc, la firide dal miò cûr, e come une lanze e come tanc' clauz a saltaràn fûr di ché gote; la int a ti fasarà cressi in bieci vasûz sui barcòns; i tiei flôrs a cialaràn jù a pindulòn come gotis di sanc e saràn el simbul da pâs e dal amôr!

E pense, ze miracul! El Signòr al ja 'pene dit chistis peraulis, che 'l sanc ingrumât su lis spinis al si trasforme in flurisins di paradîs che 'l è un plasê a cialâju: lis spinis a sparissin e sparissin ance li spinis a di ches altris plantis sul cret e ance là a saltin fûr chei flôrs ros ros che mandin rais come di fûc.

E cussî dopo d'in ché volte ché plante a si clame fûcsie par vie che i flôrs che bute fûr a jan ciapât el colôr ros come 'l fûc, el colôr dal sanc dal nestri Signòr.

Avòst, 1936-XIV.

DOLFO ZORZÙT

Storiutis di Spilimbèrc

Siora Teresa, fèmina furiosa, 'a veva di là a spas cul siò om, sior Pieri, rustic e brontolòn, c'a la spietava abàs da lis s'cialis; e par no fâsi spietâ tant, 'a si era mitût sù il ciapielìn biel lant jù pa lis s'cialis senze stâ a vuardâsi tal spili; sot i puartins un siò compari al à ciatât i doi originai e viodint che siora Teresa a veva mitût il ciapielìn devànt davôr 'a 'i disè: Comari, àe la luna uè c'a si à mitût il ciapielìn par redròs? Murtificada, siora Teresa, justansi il ciapiel a la buna, voltansi cun mala gràzia al siò omp 'a 'i disè: E tu Pieri, parzè no mi àstu dit nuja E sior Pieri pront: 'I crodevi c'a fos moda!

TORQUATO LINZI

Juign

Il soreli al jeve es 4,19.

Al tramonte es 19,41.

Al dure oris 15,27.

	1	M	s. Crescenzi m.		
	2	M	s. Marcellin m.	U.Q.	
	3	J	s. Clotilde		
	4	V	ss. Cûr di Gesù		
	5	S	s. Bonifazi v. m.		
✠	6	D	b. <i>Beltrâm patr. di Ag.</i> (Fieste dal Statût - 1861)		Se al tone il dì di san Zorz dutis lis còculis 'e van te [cort.
	7	L	s. Roberto		
	8	M	s. Gelmo	L.G.	
	9	M	ss. Prin e Felician m.		
	10	J	s. Margarite reg.		Il milùc' c'al à plui biel colôr al è chel che l'à dentri il [vier.
	11	V	s. Barnabe ap.		
	12	S	s. Zuan di s. Facònt		
✠	13	D	s. <i>Antoni di Pàdue</i>		
	14	L	s. Basili v. dot.		
	15	M	ss. Filiz e Fortunât P.Q. mart. di Aquilee		Il pûar om nol à mai ben: se 'i mûr la vâcie 'i mância [il fen, e se la vâcie 'e campe il fen 'a 'i mância.
	16	M	s. Aurelian vesc.		
	17	J	ss. Oiriache e Mòs'cie di Aquilee		
	18	V	s. Efrèn di Sirie		
	19	S	ss. Gervàs e Protàs m.		
✠	20	D	s. <i>Silveri p.</i>		Miôr rivâ un quardòre dopo e lâ sigûrs.
	21	L	s. Luîs Gonzaghe		
	22	M	s. Nicete di Aquilee		
	23	M	s. Agripine v. m.		
	24	J	s. Zuan Batiste	L.P.	
	25	V	s. Eligi		
	26	S	ss. Zuan e Pàuli mm.		Jé l'ùltime gote ché che lasse un savôr in bòcie.
✠	27	D	s. <i>Ladislao re</i>		
	28	L	s. Ireneo v. m.		
✠	29	M	ss. <i>Pieri e Pauli ap.</i>		
	30	M	Com. di s. Pauli		

La bressane di sar Meni

Fasin dël bandonâz, in somp de alture,
chei zâmars vècios, duc' ingrisigniz:
pùare bressane! plui nissùn la cure,
e 'i lassin cressi intôr barâz e urtis.

I bieì tims de oselande 'e son finiz.
Si visaiso, sar Meni? E ce bravure,
e ce bieì tims alore; ce felz
co ciapavis ucel senza misure!

Ce biel ciocâ ai dordeis, tirâ il spavènt,
e dentri i ciaps intirs a jemplâ il rê; t;
s'in ciapave e stindeve ogni momènt.

Al veve afiet di cori ance tal frèt
l'oseladôr. Di sere ce contènt
sul fogolâr a viodi zirâ il spèt.

Tresesin

PIERI MATION

Storiutis di Andreis

Al "timp,, al è celibe

... Una fèmena de la Valcelina par respùndege a un grup
de omi c'a stava criticànt li bizzaries dal timp e li so como-
ditâz a ge disè che al «timp» a nol è sposât par eise pi libar
da fâ ce c'al vuol!

E chê, era una de ché tante puoce fèmenes intelgentes
che i conòs i siò defiez.

La "legitima,,

... Al Sindicu a fe domanda a barba Felice de Doru, in
ocasion de li so noces:

Seu contènt da rîceve par vostra «legitima» consorte la
presint tal dei tai?

Barba Felice a ge disè un frac de no: — O duta, siôr, o
nua. La «legitima» è la quarta part e par me è massa pùcia...

E al veva resòn.

UGO PIAZZA

Viostu chel flôr...

Viostu chel flôr, ninine,
che 'l sponte tra 'l formènt?...
L'è ros come 'l soreli
che 'l mûr in chist momènt.

Ancie 'l rosâr al mene
e al bute un grum di flôrs...
'A jé la primevere
che 'i done i siei umôrs.

'A son i umôrs da vite
e vite 'a ûl di l'amôr...
Senze l'amôr, bambine,
nol sponte nissùn flôr.

E nó, biel frescs di gnozzis,
no vino di sflurì?
El sanc da nestrìs venis
nol devi, nò, murì!

'A cuejarìn ta stelis
coronis di frutins
e lassarin in bande
mazzèz e gessalmiñs.

I fruz saràn lis rosis
che metarin adùn...
Saràn la nestre gionde
e i flôrs dal nestri siun.

E co tu saràs mame,
la mari dai miei fruz,
ti bussarai, ninine,
bussànt i lór lavrùz.

E tu, cui voi che lusin,
'a tu 'i daràs el pèt...
La ciase senze prole
jé ciase senze tet.

Tu nizzaràs di sere
i pens dal nestri amôr
e tu saràs beade
di vêju duc' atôr,

atôr atôr da taule
come i uzzei tal nit...
El pan, che si disnizze,
l'è simpri binidit.

Cui sa ze tantis voltis
che sunaràn i boz
e nó, cul cûr in pene,
'a scoltarin dismòz

se vain o si lamentin,
se àn el sun lizêr,
e intànt, durànt la vegle,
si brusarà 'l pavêr.

'Ne di, cui àins che passin,
sarin, di ziart, contènz
di viodi tantis bocis
tiradis sù cun stenz.

E quant che sarin vècios
e za cui ciavei grìs
'a tornarìn a nassi
tra i fìs dai nestrìs fìs,

cussi che, lant sot tiare
no murarin sigûr,
ma 'l restarà, bambine,
el sanc dal nestri cûr.



Dissèn di T. Bauzòn

*Tes sagris di une volte l'ere un coro:
« c'al vegni cà, siorùt: robe dal Moro » (*).*

(*) « Al Moro »: une famose, vècie pasticerie di Udin.

Lui

Il soreli al jeve es 4,14.

Al tramonte es 19,46.

Al dure oris 15,32.

	1	J	Preziôs Sanc di Gesù U.Q.	
	2	V	Visite di M. V.	
	3	S	s. Leon II. p.	
✠	4	D	s. <i>Uldari</i>	
	5	L	s. Filumene	
	6	M	s. Isaie profete	
	7	M	ss. Cirilo e Metodi	
	8	J	s. Lisebete reg. L.G.	
	9	V	s. Veròniche Giuliane	
	10	S	ss. Siet Fradis	
✠	11	D	s. <i>Pio I Pape di Aquilee</i>	
✠	12	L	ss. <i>Ermàcore e Fortunât Patronos di Aquilee, di Udin e di dut il Friul</i>	A cuincià la salate: l'ùl un mat a meti il ueli e un savi a meti l'asèt.
	13	M	Dedic. de Basìl. di Aq.	
	14	M	s. Bonaventure	
	15	J	s. Rico imperatôr P.Q.	
	16	V	Madone dal Càrmini	Se il Signôr al mande il frut al mande àncie il pagnût.
	17	S	s. Alèssio conf.	
✠	18	D	s. <i>Camilo "de Lellis",</i>	
	19	L	s. Vizènz de Paoli c.	
	20	M	s. Margherite	
	21	M	s. Prassede v.	Miei famei a ciase so, che paròn a ciase d'altris.
	22	J	s. Marie Madalene	
	23	V	s. Apolinâr v. L.P.	
	24	S	s. Cristine v.	
✠	25	D	s. <i>Jacun e s. Cristoful</i>	Se l'invidie fos la fiere dut il mont a la varès.
	26	L	s. Ane mari de Mad.	
	27	M	s. Pantaleon m.	
	28	M	ss. Nazari e Celso mm.	
	29	J	s. Marte verg.	
			Muart di Umberto I (1900)	
	30	V	ss. Abdòn e Sennen U.Q.	
	31	S	s. Ignazi di Lojole	

Mignestre furlane

a Ercole Carletti

Mignestre penze, buine, che nulive
di uardi, di fasui, savòrs e ardièl!
Ven l'aghe in bòcie dome 'e pensative,
ce ben che sglicíave jù pal cuel!

Plui calave tal cit e plui sflurive
tanche un'isule in miec' dal mar plui biel;
une cròdie nostrane, che finive
di restâ insòmp, a sut, come un ufièl...

E intànt che 'l gno gargàt a le inglutive
jo pensavi a ché int, che stuarc' el nâs,
che mai no ciate al mont robis che i plâsin...

int, che no à fan, masse-passude c scuasin:
ma inveci al vér furlàn cetànt che i plâs
chiste mignestre penze... che nulive...

TONI BAUZÓN

Madone d'avòst

Jo 'o soi la Madone, ché d'Avòst,
c'o ài spetât che si rinfres'ci 'l bosc
e us puarti i polezzùs,
e us puarti piârsui, fics, ue e milùz
e siespis e pirùz...
«pomis par duc' ché in vué no son un lus!»

FABIO GALLIÙS

Fruzzòns

Ogni fi l'è brâf, l'è un agnul,	Ten sogèt il cûr, sot scòrie,
l'è perfèt pai genitòrs.	s'a nol sa ben misurâ.
Si capis, s'al scroche a scuele,	Ogni volte c'a si slârgie
'a son cause i professòrs!	un dirit al va a creâ.

a. f.

Avòst

Il soreli al jeve es 4,42.

Al tramonte es 19,18.

Al dure oris 14,36.

✠	1	D	<i>s. Pieri "in Vinculis",</i>	
	2	L	s. Alfòns de Liguori	
	3	M	Invenz. di s. Stiefin	
	4	M	s. Domeni conf.	
	5	J	Madone de Nêf	Se al plûf a san Laurinc'
	6	V	Trasfiguraz. di N. S. L.G.	la campagne la vinc'.
	7	S	s. Gaetàn conf.	
✠	8	D	<i>s. Ciriac</i>	
	9	L	s. Zuan M. Vianney conf.	
	10	M	s. Laurinz	Plui si lavore e plui si
	11	M	s. Tiburzi	à di lavorâ.
	12	J	s. Clare v.	
	13	V	s. Ipòlito e Cassian	
	14	S	s. Eusebi predi (<i>Vilie</i>) P.Q.	La lezion plui imprimude
✠	15	D	<i>Assunzion de Madone</i>	'e jé ché imparade a prò-
	16	L	s. Roc conf.	priis spesis.
	17	M	s. Giacint conf.	
	18	M	s. Èline (<i>Non de Regine</i>)	
	19	J	s. Zuan Eudes	
	20	V	s. Bernàrt ab. dot.	No ocòr siarà il ciôt quant
	21	S	ss. Donât e comp. mm. Patronos di Cividât	c'al è s'ciampât il purcît.
✠	22	D	<i>s. Timòteo e c. mm. L.P.</i>	
	23	L	s. Filîp Benizi	
	24	M	s. Bartolomeo	L'è miôr vè dafâ cul fur-
	25	M	s. Vico re	bo che no cul ignorànt.
	26	J	s. Zeferin	
	27	V	s. Josèf di Calasanzi	
	28	S	s. Ustin dot.	
✠	29	D	<i>Decol. di s. Zuan Bat. U.Q.</i>	
	30	L	s. Rose di Lime	
	31	M	s. Raimònt	

La dose

A ere une bieie zornade di un di chei meis c'a no puartin cun l'ôr rafredôrs ramatismos ne aitis tormènz.

Il speziâr, om vècio dal mistir e appassionât di studis, ben savint che nissun lu vorès disturbât, a si ere metût a fâ no sai ce calcul di astronomie.

Al ere a bon puart, quant che eco!.... ti càpite denti un, c'un t'une muse di vueli di rizino c'a consolave:

« Bon giorno, sior Dutôr, vorès bisugne di un bon purgànt jo! ».

Il speziâr al alce un momènt il ciâf par saludâlu, e po tornànt ai siei càlculi:

« In dulà staiso? ».

— A Trep, sior Dutôr —

« Hm!.... propit a Trep?.... »

— Veramenti un pouc fûr, Sior, in Glèries, subit sore dal puint, in ché ciase rosse.

.... e il speziâr c'al ere sul finî dal so lavôr:

« E in ce plan? »

— Al secònt plan, Sior, che sot ai stan miei fradis.

« E.... e.... c cetânc' s'cialins par là sù? ».

Il client al conte e al torne a contâ a memòrie duc' i s'cialins di ciase:

— Trentequatri.... se no sbalgi.

Intànt il speziâr al veve finît, e dade inciemò une cialade al risultât, freolades las mans di sodisfazion, al servis il client cun ché generositât c'a lu ciapave in chei momènz.

Chel, al beif la dose, al pae, al salude, e vie di corse....

Ma la sere, che il speziâr al ere daûr a fâ la partide tal albergo, al torne lui:

— Orpo... Sior Dutôr, al à sbalgiât di doi s'cialins, sael!

E il speziâr colànt das neules:

« Cemût?.... cemût eise cheste? ».

— Po si si.... c'a si persuadi, al à sbalgiât in tal calcolâ la dose, e cussì a mi è s'ciampade propri quant ch'i eri daûr a mudâ il pas par fâ l'ultin s'cialin.

Paluce, Setembar 1936.

FABIO BARBACEIT

Setembar

Il soreli al jeve es 5,26.

Al tramonte es 18,34.

Al dure oris 13,8.

	1	M	s. Egidi ab.	
	2	J	s. Stieffin re	
	3	V	s. Eufèmie e comp. mm. di Aquilee	
	4	S	s. Rosàlie	L.G.
✠	5	D	s. <i>Laurinz Giustinian</i>	
	6	L	s. Petroni v.	
	7	M	s. Anastasi di Aquilee	
†	8	M	Nativitât di Marie ss.	
	9	J	s. Gorgòn m.	
	10	V	s. Nicole di Tolentìn c.	
	11	S	ss. Proto e Giacint mm.	
✠	12	D	ss. <i>Non di Marie</i>	P.Q.
	13	L	s. Amât	
	14	M	Esaltaz. de s. Crôs	
	15	M	I siet dolôrs de Mad. Nàssite dal Pr. Er. 1904 T	
	16	J	s. Corneli p. v.	
	17	V	Stimatis di s. Francèsc T	
	18	S	s. Josèf di Copertìn T	
✠	19	D	s. <i>Zenâr m.</i>	
	20	L	s. Eustachi e c. mm.	L.P.
	21	M	s. Matio ap.	
	22	M	s. Tomàs di Vilegnove	
	23	J	s. Lino p. m.	
	24	V	Madone de Mercede	
	25	S	s. Firmìn vesc.	
✠	26	D	ss. <i>Cipriane e Justine</i> mm.	
	27	L	ss. Cosme e Dam. mm.	U.Q.
	28	M	s. Venceslao duche	
	29	M	Dedicazion di s. Michêl	
	30	J	s. Jaroni	

Se al plûf a san Gorgòn
siet montanis e un montanôn.

Miôr un ciâf ueit che
mâl jemplât.

Tante confidenze 'e fâs
pierdi la reverenze.

Une peraule ben dite
juste une malgrâcie mâl fate.

Dutis lis lêtaris no vadin a
[la pueste,
dutis lis peraulis no meritin
[rispueste.

A mé fie Silve

Par cussì pòc tu vais, miò curisin?
Se, biel mangiant la to mignestre, il tont
tu lu às struciât parsore l'abitin,
nol è po il finimònt!

Tu sês nete par me pur ontolade.
Ise par forsi spòrcie mo' la lune
Cun ché so large muse maglazzade
co un blec di nûl la imbrune ?

Po' tòrnistu a fifâ, cumò, ninin?
Tu l'às molade?... 'e ti è sbrissade?... Si!
E ben..., tu às bagnuzzât il to abitin
e dut al finis lì!

Tu nulis ben instès, ance bagnade.
Forsi che in primevere no nûl bon
la rose fres'ce, plene di rosade,
rosse come un sclopòn...?

Ciaurèt

BEPO MARANGÒN

Oh rosutis !

Oh rosutis
palidutis,
ves piardût
i biel colòrs:
scloridis
e inflapidis,
somejeso
ai miei dolòrs.

Cussì fres'cis,
vivarosis,
oh, mes rosis
dal Signòr,
co us ciolevi
e us metevi
in tal vas
cun tant amòr.

E cumò,
cumò, puarètis,
dutis pletis
e stecùz:
ricuardèso
i tîmps alegris
che par simpri
a son piardùz.


DOLFO CARRARA

DÔS VILOTIS CIARGNELIS

ciapadis sù

dal Mestri JOSÈF PERESSÒN

di Dimplàn



IL STROLIC FURLÀN

1937 - XV

SU LIS CRETIS DI CULINO...

(Ciapade sù a Ravascièt tal 1934 - N. 314 de Racolte de S. F. F.)

Larghetto

TENORI

BASSI

f.

Su lis cre - tis di Cu - li - no di Cu -
 J'ai cia - tât la me' mu - ro - so me' mu -

- li - no su lis cre - tis di Cu - li - no di Cu -
 - ro - so j'ai cia - tât la me' mu - ro - so me' mu -

Su lis cre - tis di Cu - li - no su lis
 J'ai cia - tât la me' mu - ro - so cul ras' -

- li - no
 - ro - so

monz Su lis cre - tis di Cu - li - no, su lis
 'cièl J'ai cia - tât la me' mu - ro - so cul ras' -

monz di Ri - gu - lât
 cièl in - tor - ta - lât

*Su lis cretis di Culino,
 su lis monz di Rigulât
 j'ai ciatât la mé muroso
 cul ras'cièl intortulât.*

*Joi ce buino l'ago frès'cio
 di Ludàrio e Rigulât;
 'i vòl cioli uno botàcio
 e puartâlo a Cividât.*

D'IN CHÉ DÌ CHE TI ÀI VIODÙDE...

(Ciapade sù a Zui tal 1934 - N. 327 de Racolte de S. F. F.)

Largo

SOPRANO
mf. D'in ché di che ti ài vio - dū - de il gno
 oûr 'a nol à pās... Ài ten - tât di amen - te -
 - à - ti, nò, de bòn, nol è stât oàs.

BASSI

*D'in ché di che ti ài viodùde
 Il gno cûr 'a nol à pās;
 Ài tentât di smenteâti:
 Nò dabòn, nol è stât cās.*

La seconde vilote si pò tornâle a ciantâ cun al-
tris peraulis di « vajote ». Par esempi:

*Ogni dì jeve il soreli,
ogni sere al va a durmî;
ma c'al jevi o c'al tramonti
al mi viôt simpri a vai.*

*Sint che ciantin di ogni bande
par chês stradis fûr par fûr;
ma par mè son tantis spinis
che trapassin il miò cûr.*

*No ti vessio mai viodùde,
mai cialâz chei vôi tant biei,
e tant mancul cognossude,
che par me sarès stât miei!*





Dissèn di T. Bauzòn

La domènie dopo di misdì tes ostariis de Furlanie.

Cemût che jé stade che pre' Antoni nol à copât sior Meni Indri

Pre' Antoni, bas ben cognossût de cantorie dal domo di Cividât, 'i tignive un mont a la so vôs, che, par di la veretât, almancul co la sintii jo, 'e someave ché di un bo sfladât.

Un an, qualchi di dopo la Messe di San Donât, mùsiche dal nestri Ciandòt, eseguide da la vècie cantorie dai Mansionaris dal domo e compagnade dai viulins, el compari sul *Friuli* (un sfuei di Udin, che 'l ere direzût da Sior Meni Indri, ami di pre' Antoni) un articul cu la relazion de fieste che 'l diseve l'ire di Dio de cantorie e in speziâl mût dal bas. *Apriti Cielo!* Cui che 'l à cognossût pre' Antoni e che 'l sa ce temperamènt fogôs che 'l veve, el pò figurâsi ce che al è saltât fûr di ché bôcie co 'l à let lis botonadis dal sfuei.

Tirade fûr tante di roncee, che 'l puartave simpri cun sè scuindude sot de vieste, «Meni Indri 'l à di pajâme! No soi plui pre' Antoni se no 'i zonci il ciâf!», e cul braz in aer, armât di roncee, al faseve il mulinèl par mostrâ che 'l ere bon di menâi il colp come che va.

In ché gnot il pûar predi nol siarà voli, tant gnarvôs che 'l ere, e tal domàn di matine, al cricâ dal di, vie di corse in ciasse dal so ami Rafaël, mestri organiste dal domo. Rafaël naturalmentri a ché ore el jere ancimò a polsâ.

«Mestri, salte fûr di lì e ven cun me!» e, senze digi plui ne tre ne quatri, 'i tire jù i linzûl. Il Mestri, distirât tal jet cui voi ancimò indurmidis, nol saveve spiegâsi lis fûriis dal predi, ne ce che 'l veve di fâ, ma pre' Antoni imperatif «Léi cà» — e 'i mostre *Il Friuli* — «Mòviti, che vin di lâ a Udin cul prin treno par copâ Indri!».

«Ze veso dit? Deventaiso mat, pre' Antoni?».

«Ce mat! 'O uei svindicâ il miò onôr, l'onôr de cantorie di Cividât. Ve' cà» — e 'i mostre la roncee.

Rafaël, impressionât a la viste di chei argomènz, el saveve che cun pre' Antoni co 'l ere inrabiât no si podeve scherzâ; al pensâ duncie che intant 'l ere miôr di secondâ la bèstie, e di lâ cun lui par no permètigi di fâ qualchi capele.

'E ciaparin duncie il prin treno de matine.

A la stazion di Udin, par cumbinazion, il Mestri fra la int el podè viodi a la lontane sior Meni Indri che propri in chel moment al montave sul treno dirèt a Cividât; a ché viste al piâ corâgio ma nol si lassâ capî dal predi, che no lu veve vidût.

Saltâz fûr de stazion «Rafaël» — el dîs pre' Antoni —

Otubar

Il soreli al jeve es 6,15.

Al tramonte es 17,45.

Al dure oris 11,30.

	1	V	s. Remìgio vesc. c.	
	2	S	ss. Agnui Custodis	
✠	3	D	s. Tarèsie dal B. Gesù	
	4	L	s. Francèsc d'Asisi l.g.	
	5	M	s. Placit m.	
	6	M	s. Brunòn	
	7	J	La Madone dal Rosari	
	8	V	s. Brigide vèdue	
	9	S	s. Dionîs	
✠	10	D	s. Francèsc Bòrgie conf.	
	11	L	Maternitàt di M. V.	
	12	M	s. Massimilian vesc. P.Q. Scuv. da l'Amèr. (1494)	
	13	M	s. Doardo re	
	14	J	s. Calist p. m.	
	15	V	s. Tarèsie verg.	
	16	S	s. Edvige vèdue	
✠	17	D	s. Margherite Alac. v.	
	18	L	s. Luche ev.	
	19	M	s. Pieri d'Alcàntase l.p.	
	20	M	s. Zuan Canzi	
	21	J	s. Ursule e comp. mm.	
	22	V	s. Ermes m.	
	23	S	s. Severin	
✠	24	D	s. Rafaèl arc.	
	25	L	ss. Crisànt e Dàrie mm.	
	26	M	s. Evarìst p. m. u.q.	
	27	M	s. Sabine m.	
	28	J	ss. Simòn e Giuda app. Marcie su Rome	
	29	V	s. Narcis	
	30	S	b. Benvignude Bojane di Cividât	
	31	D	Crist re	

L'aghe cidine 'e fâs 'ne
gran ruvine.

Cui c'a nol sa fâ bausiis
nol crôt nissùn bausâr.

Mat cui c'al zue al lot,
mat cui c'al zue trop,
mat cui c'al zue assai,
mat cui c'a nol zue mai.

Cui che si scuse senze jessi
interogât al fâs clâr il so
peciât.

A S. Simòn si tire iù la
cialze e il scufon.

«bisugne là di strade a ciatálu in cove, prin che 'l jessi fûr». E vie imburiz ducidoi par Bordolee, dulà che Indri al stave di ciase. Sunin il campanèl, 'e comparis sul balcon une siorùte vècie dute linde e pulide.

«Xelo a casa Indri?» — el sberle il predi.

«No, reverendo, el xe za sortio de casa» — 'e rispuint di disore la vós creanzòse de siore.

«No xe vero... vojo veder te la sua camera! Se pol pur vignir dessora» — 'e tontone dabàs la vosate di ors.

«Che 'l se comodi, reverendo, che 'l se comodi pur» — 'e rèpliche la vècie complimentose dal balcon.

La pùere siore no veve mai vidût in vite so un predi cussi salvadi e par di la veretât 'e ciapà pore e vigni jù di bote a viarzi il portèl tremànt tant che une vimine.

Il mestri Rafaèl, che 'l veve une fisionomie plui cristiane, 'i dè une ociade par fâi capì che no si tratave di qualchi puerèt s'ciampât dal manicomi e la siore pià un pòc di coràgio.

Il predi sù imburit pe s'ciale e dentri ta ciàmare che la vècie 'i mostrà. Nol viôt nissùn; al cìr tal armaròn, sot de cociete: nissùn; par convincisi al ùl palpà il jet, naturalmente disfât; nol ere cialt... «Nus 'e à fate!» — al sberlà il vosòn voltansi viars Rafaèl.

«Ghe gavevo pur dito prima, reverendo, che nol giera in casa; credo che 'l sia andà a Civald...» — 'e piulave la vós musulite e pareve squasi che volès scusà sior Meni.

«No xe vero» — el saltà sù cuintrariât il predi.

La siorute, copade, no à vût flât di replicâ: pre' Antoni jù pes s'cialis imburit e daûr di lui Rafaèl.

«E cumò anin di strade là che stampin il sfuei: se no lu ciatin, 'e savaràn almancul dinus di sigûr dulà che 'l è» el sbrundulave ciaminànt pre' Antoni.

Ma ance là de stamperie di Bardusco sior Meni nol si ciatave a jessi; il diretôr dal stabilimènt paraltri 'i confermà che Indri 'l ere lât a Cividât e che 'l sarès tornât a Udin cul treno des quatri dopo misdi. Ce si vèviel di fâ? Cori a Cividât par fâ il colp lassù, o fermâsi a Udin a spietálu?

«Pre' Antoni, par ponderà la ciosse cun calme e par fâ in règule il plan di batae, no isel miôr che lini là des Paulâtis. Misdi nol è lontàn e cu la panze plene la fantasie 'e lavore miôr. Us vâdie?».

«Mestri, tu sês propri bàbio; anin a mangià e a disvuedà une bozze».

Deto fato, vie là des Paulâtis.

Un bon gustà e une buine tazze di vin, dutis robis naturalmentri ufiartis da pre' Antoni, 'e meterin a puest i bugei.

Tirâz dentri in t'un tinelût scuindût, i doi amigos, lontâns de curiositât dai aventôrs, 'e fasevin il lor plan. E cà la fantâsie dal Mestri 'e scomenzâ a lavorâ.

«Sintît, pre' Antoni: a lis quatri anin a la stazion e spietin che 'l rivi il treno di Cividât. Vò si platais daûr dal cariolòn de Crôs di Malte, che 'l spiete i foresc' ret l'uscide; jo 'i voi incuintri a Indri, par che nol vadi di qualchi altre bande, e, come gnente fosse, 'o passi insieme cun lui denânt dal cariolòn; vò, quanche lu vês ben a tîr, 'i menais il colp e *chi ga vu ga vu*».

«Rafaël, tu sês propri cian! Ciò...» e il predi 'i bute contênt i braz al cuel e ti lu busse.

A lis quatri, pre' Antoni gnarvôs l'ere in spiete daûr dal cariolòn de Crôs di Malte, sul piazzâl de stazion, cu la man pronte su la roncee scuindûde te vieste. Rafaël l'â ciatât Meni Indri che 'l dismantave dal treno di Cividât e lu â informât di dut. Sior Meni, istruit da Rafaël, inveci di pasca denânt dal cariolòn, come duc' i viazatôrs, in ponte di pît senze fâsi notâ, al improvis al câpite a lis spalis di pre' Antoni e par daûr lu abrazze strent strent in mût che 'l predi nol pò movi un dêt. «Ah, benedêt il nestri pre' Antoni! Ze ûl di cheste biele improvisade? 'I fâs i miei complimentenz perbaco, parcè che 'o à savût che 'l â ciatât tant ben a Messe il dì di San Donât! No spietavi che il moment di viòdilu par fâ lis mes congratulazions cul prin bas di dut il Friûl! El è stât, sael, chel pote di corrispondênt di Cividât che 'l â vût cûr di criticâlu, ma jo ài preparât par domàn un articul cui floccs... lu learà... lu learà...». Pre' Antoni copât da chês declarazions, che 'i tociavin propri il cantin plui delicât, nol â pudût plui tignisi e bandonant duc' i siei proposiz di vendete «Rufian che tu sês un!» el disê butangi i braz al cuel a sior Meni, che intânt lu veve molât, e bussanlu di cûr, e a Rafaël che lu stuizzigave «Biele figure di fâ, si seso cussì prest dismenteât che vevis di petenâlu?». «Ce ustu, el mi â fat jù in t'une ciarte maniere chel muse di sc... bevingi parsore un bocâl...».

E cussì 'e son tornâz là des Paulâtis in tre, e pre' Antoni inveci che dal sanc di sior Meni Indri si è contentât dal sanc... dal caretêl.

La stòrie jé vere e cui che no la crôt el pò fâsile contâ genuine dal mestri Rafaël che 'l è ancimò in chest mont vif e legri e che sperin che 'l puedi contâle ancimò par un mont di agn.



Dissèn di T. Bauzòn

*Quant che si sint sot gnot ueit el bultric
l'ocòr el uelin par cuinciâ el ladrìc.*

Novembar

Il soreli al jeve es 7,4.

Al tramonte es 16,56.

Al dure oris 9,52.

✠	1	L	<i>Duc' i Sanz</i>		
	2	M	<i>Duc' i Muarz</i>		
	3	M	s. Just m.	L.G.	
	4	J	s. Carlo Borom. v. c. <i>Fieste de Vitòrie</i>		S. Martin mi tente c'o fasi la polente, c'o copi 'ne rassute, c'o bevi une bozzute.
✠	5	V	s. Zacarie prof.		
	6	S	s. Lenàrt conf.		
	7	D	s. <i>Prosdocin v.</i>		
	8	L	ss. Quatri Coronâz		
	9	M	s. Oreste		
	10	M	s. Andree Avelin		L'ore di gustâ pai siors è quant che àn fan e pai pi- tòcs quant c'an d'àn.
	11	J	s. Martin v. <i>Natalizi dal Re</i>	P.Q.	
	12	V	s. Martin pape		
✠	13	S	s. Didaco conf.		
	14	D	s. <i>Josafât v. m.</i>		Cui che ûl vivi e ûl stâ ben cioli il mont come c'al ven.
	15	L	s. Alberto Magno		
	16	M	Dedicazion des glèsiis de Arcidioc. di Udin		
	17	M	s. Gregori vesc.		
	18	J	Dedic. Bas. di s. Pieri L.P.		Cul cialt dal jet no bol la [cite.
	19	V	s. Lisebete di Ung. ved.		
	20	S	s. Filis c.		
✠	21	D	<i>La Madone de Salût</i>		
	22	L	s. Silie v. m.		
	23	M	s. Clemènt		Cui c'a ju fâs no ju mângie e cui c'a ju mângie no ju [fâs.
	24	M	s. Grisògono		(I bêz)
	25	J	s. Catarine v. m.	U.Q.	
	26	V	s. Silvestri ab.		
	27	S	s. Valerian vesc. di Aq.		
	28	D	<i>I domènie di Avènt</i>		
✠	29	L	s. Saturnin m.		
	30	M	s. Dree		

Al è cressût

Al è cressût
il pitinìn:
Cumò a so mût
al ciacarùzze
al strambolote
al parc vie
àncie la fote
se si è rabiôs...
Tal trabas'ciâ
al à une grâzie
che no si sa,
e atòr di lui
si zue, si rit
come tanc' fruz
atòr di un nit.
Cun lui, s'intint,
no si rasone;
l'è pôc ce di,
parfin so none
a si imborezze,
mateant cun lui
tant che si lasse
brusâ i fasui...
E pitinìn
come c'al è,
a nus comande
plui che no il Re...

Merêt di Tombe.

PIERI SOMEDE DAI MARCS

Oh il furlàn !

Cais fraiz
cul scus
ûs clops
tal fûc
fan gran dan.

Foncs liz
Crozz friz
Rîs suz
cuèz sclez
fan gran fan.

Boins blecs,
tros rosc',
fics secs,
granc' crusc'
fan sanc san.

Un sclip
tal clip
un bon bombòn

.

Ma isal chinès,
turb, africàn?
Ma no vedès
c'al è furlàn?!

Cormòns.

TITE ROBUL

N a d â l

Jo soi Nadâl, ultin cull rivât,
ben ben intabarât
ma plen di frêt istès,
c'o puarti chei polèz
che no son boins ne a rost e nàncie a lès;
ma pai frutins 'o puarti mil bibiès.

FABIO GALLIÛS

Dicembar

Il soreli al jeve es 7,40.

Al tramonte es 16,20.

Al dure oris 8,40.

	1	M	s. Marian m.
	2	J	s. Cromazi di Aquil.
	3	V	s. Francèsc Saveri c. L.G
	4	S	s. Bàrbare v. m. (<i>Fieste de Artil., Gènio e Marine</i>)
✠	5	D	s. Sabe ab.
	6	L	s. Nicolò v.
	7	M	s. Ambròs vesc. dot.
✠	8	M	<i>L'Imacolade Concezion</i>
	9	J	s. Siro vesc.
	10	V	La Madone di Lorèt
	11	S	s. Damàs pape P.Q.
✠	12	D	<i>ss. Massenzi e comp. mm.</i>
	13	L	s. Lùzie
	14	M	s. Spiridion vesc.
	15	M	s. Massimìn conf. T.
	16	J	s. Albìn v. m.
	17	V	s. Lazar risussitât T.L.P.
	18	S	s. Grazian vesc.
✠	19	D	s. <i>Fauste</i> T.
	20	L	s. Zuan Marinòn
	21	M	s. Tomàs ap
	22	M	s. Demètri
	23	J	s. Vitòrie
	24	V	s. Adele (<i>Vilie</i>) U.Q. Fieste de mari
✠	25	S	<i>Nadâl</i>
	26	D	s. <i>Stiefin prin mart.</i>
✠	27	L	s. Zuan ap.
	28	M	ss. Nozènz
	29	M	s. Tomàs vescul
	30	J	s. Gènio v.
	31	V	s. Silvestri

A San Nicolò il frèt al dis: sôl cà cumò.

Gioldi simpri fin c'a si pò: nol màncie mai tîmp par pati.

Se al à di vanzà alc, c'a vanzi la jote.

I sis ultims dis dal an e i sis prins 'e indichin lis mesais (val a di che il timp c'al sarà in ognune di chestis zornadis al sarà àncie chel dal mès c'ai corispuint).

BON AN A DUC'



Dissèn di T. Bauzòn

*Velu là, velu là vie
Velu là c'al ven cumò:
Jo di duc' soi la morose
Ma di lui malafenò.*

Di lontàn...

Vie pal mont, tantis voltis, tes zornadis
di lancûr, cun t'un cil di nêf e gris
come un cine tal ciâf mi son passadis
lis monz e 'l plan dal gno Friûl, precis...

duc' i trois, i rivâi, lis teraciadis
cu lis vôs cognossudis dai amis,
une ciasute plene di bussadis,
il biel sun des ciampanis dal pais...

le Tor e 'l Nadisòn cui cent mil clas,
i rusignui che zornin tes boschetis,
i prâz di San Zuàn, cul fen in côi...

il cil serèn, quant che si leve a spas
sore un tapêt di violis, di zupetis...
ma sore dut, mi cialin fis... doi vôi!...

... e tornànt di lontàn

O bieì voi neris, che disviarz apene,
us viodevi al barcòn adore adore,
o voi tant bieì, che dismòz su l'aurore
mi levin drez al cûr par ogne vene,

O bieì voglùz, mi vês lassât in pene...
No us viodarai mai pluì a di ché ore
e nàncie le manute che disflöre
i vâs dal canelòn e de verbene...

Atris vôs! atre int! e le ciasute
si dis'cialcine e 'l timp le à fate nere;
l'è colât àncie 'l nit de cisilute...

Mancin lis rosis, màncie vie pe sere
le to legre ciantose, o bieì frute,
che in plen unviâr faseve primevere...

TONI BAUZÓN

Pieri oseladôr

A Osóf duc' cognossin Pieri oseladôr, un tipo curiôs di om che nol è bon di stâ cence ucei ta s'ciaipie: pluitòst a si contente di dividisi da so fêmine.

— Oh, Dio Dio! — al dis quant c'al sint a ciantâ un ucèl — ce ben, ce ben c'al zorne; e al implante dut, par stâ a sinti.

La so fêmine plui di une volte lu à lassât impastanât bessôl sperânt che al ves di finîle cun ché manie.

L'ùltime volte, lui al à mandât un so ami par cirî di con-vinzile parcè che in ciase nol podeve fâ di bessôl: al veve con-sumât dute la lujânie e dute le spôngie. La rispueste no ere ché c'al spetave. Par che la so fêmine tornàs cun lui al doveve lassâ i ucei.

— Mi contenti — al dis rabiôs Pieri — di pierdi la fêmine pluitòst che bandonâ i ucei!

Un'altre volte doi o tre birbonâz si son metûz a vosâ: — Pieri, vè i carbinîrs! Lui al si met a cori come un disperât e al va par montâ sun t'une *passarelle*? ma cheste no è, parcè che chei birbânz a la vevin fate saltâ. Lui al si bute alore ta l'aghe cu lis s'ciaipis e par salvâ i siei ucei quasi al s'inee.

Quant c'al lave a fâ l'amôr a Dartigne, al diseve a so mo-rose: — Sesute, di doi cûrs vino di fant un sol?

E al bale incimò, in s'ciapinele, ta cusine, come un fantât di vinc' aigns!

Osóf, 1936.

TONI FALESCHÏN

Gelosie

Po ce creustu che no seipo...
che tu sentos sun doi prucs!
Sta mo' atento che un nol manci,
che tu letis a trabùcs.

Po Murùculo, mé biado,
no val nujo sospirà,
co la teso è mâl tindudo,
no va ben par oselâ.

Culino, Avòst, 1936.

FABIO BARBACEIT

SAGRIS DI DUT IL FRIUL

(Lis sagris plui grandis 'e son stampadis in corsif)

(Cun fieste di bal: *b*; tòmbule: *t*; mùsichis: *m*; garis sportivis: *s*; divertimènz: *d*).

ZENÂR

1. *Circoncision dal Signôr — Internèp* (Bordàn) — *Merèt di Tombe*: perdòn des Quarantoris — Morùz: sagre di Sante Margarite.
6. *Pifanie — Cividât*: messe dal Spadòn — Dole (Idrie): la dom. dopo — *Tarcint*: sagre dal pignarûl (b. d.).
10. *II domènie — Solimbèrc* (Sequals): SS. Non di Gesù (d.).
17. *S. Antoni Abât — Barbeàn* (Spilimbèrc) — Basandiele (Vivâr) — Bordàn — Clènie (S. Pieri dal Nad.) — *Colorêt di M. A.* — Gnespolèt (Lestizze) — Gradis'cie di Spilimbèrc — *Miezemont* (Pulcinic) — Pocenie — Schitose (Tramònz di sot) — Sele di Ciaurèt — *Tramònz di miez*: la dom. dopo.
20. *S. Bastian — Dignàn — Riulât — Rizzûl*.
21. *S. Agnès — Joannis — Trep di Ciargne* — Rorai pizzul (Porcie): la dom. dopo.
25. *Conversion di S. Pauli — Braulins* (Trasaghis) — *Morteàn — Pasiàn di Pordenòn* — Sclose — Tesis (Vivâr).

FEVRÂR

2. *La Madone de cereole — Cividât*: te glêsie dal Ospedâl — Prossenic (Taipane) — Mont Urabis.
3. *S. Blàs — Alturis — Aprât* (Tarcint) — Avian — Cividât. a S. Blàs — *Lauzane — Lestizze — Maseris — Merlane* (Trivignàn) (d.) — *Raspàn* (Ciassà) — Scodevâcie — *Sudri* — Tierz di Aquilee.
7. *Ultime dom. di carnevâl*: Mascarade di Remanzâs.
9. *Ultin di Carnevâl — S. Polònie — Ciassà* (la dom. dopo) — Liussûl — *Orsarie*: mascarade.
13. *S. Fòs'cie — Frisànc*.
14. *I. dom. di Crèsime — S. Valantin — Baracèt* (Coseàn) — Ciamplunc — Ciât (Medùn) — Cividât: borc di S. Dumini — Clausèt — Cornoglan (Ciassà) — *Damâr — Dartigne* (d.) — *Dignàn — Domanins — Farle* (Majàn) — *Frafo-reàn — Godo* (Glemone) — *Grimà — Madone* (Buje) — *Malnis* (Montreâl) — *Manzàn — Morùz — Resiute* — *Sclose — Segnà* (Tarcint) — *Somplât* (Ciavàz) — *Vis-sandòn* (Pasiàn) — *Zòpule — Zumpite* (Reane).
24. *S. Matie — Slape Zorzi*.
28. *III. domènie di Crèsime — Premariâs*: S. Filumene.

MARZ

14. *Domènie di Passion — Gradis'cie di Sedeàn*: perdòn dal Iolc.
19. *S. Josèf — Avian — Camigne (Cernizze) — Caprive — Ciampeis (Pinzàn) — Flaibàn — Manzàn — Montegnà (Ciassà)*: la dom. dopo — *Percùt (Pavie) — Pontebe — Porcie — Pradielis (Tarcint) — Roncis di Latisane — Tai-pane*.
25. *SS. Nunziade — Romàns dal Lusinz — Vilefrede di Segnà (Tarcint)*: la dom. dopo.
26. *Vinars Sant — Erto Cas*: procession famose che riprodùs la Passion dal Signôr. - Processions si fasin in quasi dutis lis paròchiis, di sere, cun iluminazion.
28. *Pasche — Migeè*: sagre sul Cuel — *Rodeàn alt (Rivis d'Arcian)*: Madone di Lourdes.
29. *II. fieste di Pasche — Ciamplùnc*: sagre a *S. Lenàrt — Cormòns*: sagre sul cuel di *S. Quirin — Fane*: Madone di Strade — *Medeuzze (S. Zuan dal Nad.) (b.) — Puljar*: fieste te grote di *S. Zuan d'Antri* - la sere bal a *Bialcis — Rualis (Cividât) (àncie domàn) — S. Marie la lùngie — Udin (Prât di S. Catarine) (b. d.) — Valnoncèl*.
30. *III. fieste di Pasche — S. Quirin (Cormòns) — Puzzut*: perdòn des 40 oris (procession e m.).
31. *Comemorazion dal Càrmini — Rivis (Reane) — Bicinins (la dom. dopo) — Idrie — S. Lenàrt*.

AVRIL

4. *Otave di Pasche — Ciamplùnc — Cividât*: il Ciapitul al va a Madone di Mont. — *Claut — Cumierz (Majàn) (d.) — Gradis'ce dal Lusinz — Internèp (Bordàn) — Pradamàn*: fieste des SS. Nunziade — *S. Martin di Quishe (b.) — Tapojàn*.
11. *II. domènie dopo Pasche — Moimàns (b. d.) — Ronchis dai Legionàris — Savorgnàn de Tor*: sagre des jarbuzzis.
18. *III. domènie dopo Pasche — Liesse (Grimà)*.
23. *S. Zorz — Aidùssine — Brazzàn (Cormòns)*: la dom. dopo — *Cal di Cianâl*: la dom. dopo — *Preòn (Denemònz) — S. Zorz di Chions*: la dom. dopo — *S. Zorz de Richinvelde — Udin*: in bore di Grizzàn: la dom. dopo.
24. *Montneri di Idrie*.
25. *S. Marc — Brazzàn (la dom. dopo) — Clautàn (Trivignàn)*: la dom. dopo — *Cucane (Bicinins) — Lessi (Glemone) — Mortisins (Pertèulis) — Pasiàn — Raspàn (Ciassà) — Rubignà (Cividât) — Scodevâcie*: la dom. dopo (b. t. d.) — *Stevenà (Cianive di Sacil)*: la dom. dopo — *Trep grant*: sagre dai sparcs (b.).
29. *Cis'celgnûf: S. Liberâl*.

MAI

1. *SS. Filip e Jacum* — *Rèsie* (b. d.) — *Tramònz di sore*: la dom. dopo — *Vilegnove* (S. Zuan dal Nad.).
2. *I. domènie di mai* — *Giàn* (Cividât) — *Internèp* (Bordàn) — *Magnàn* — *Rivis* (Sedeàn): S. Gotàrt — *Romàns dal Lusinz*: «Bal dai pastòrs» o «sagre di mai».
3. *Invenzion de S. Cròs* — *Batae de Bainsizze* — *S. Cròs di Aidùssine*.
5. *S. Floriàn* — *Cerzuvint* — *Mariàn*: la dom. dopo (b. d.).
6. *La Sense* — *Cividât*: i parochians di borc di Puint 'e van a Madone di Mont — *Glemone*: S. Agnès — *Lighe* (Cianâl dal Lusinz): al santuari di Marie Zell — *Mùscui*: la dom. dopo — *Quishe* — *Zui*: fieste de Cròs sul cuel di S. Pieri.
8. *Aparizion di S. Michêl* — *Cimolais*: la dom. dopo.
9. *II. domènie di Mai* — *Bagnàrie* (b.) — *Joannis* (b.) — *Visinâl* (Buri) (b) — *Sapotòc* (Salone dal Lusinz).
16. *III domènie di mai* — *Pentecostis* — *Lauc* (fieste tre dis): *Perdòn des 40 oris* — *Liesse* (Grimà) — *Mainuzze* (Fare) — *Pulfar*: sagre a S. Spirit — *S. Martin di Mosse* (b.) — *S. Salvadôr* (Buje).
23. *IV domènie di mai* — *SS. Trinitât* — *Magnàn* — *Risàn* — *S. Nicolò* (Rude) — *Tarnove dal Lusinz*.
27. *Corpus Dòmini* — *Firmàn* (Premariàs) — *Montaviarte* (Taipane) — *S. Cròs di Aidùssine*: la dom. dopo.
30. *Ultime domènie di mai* — *Clavàz di Ciargne*: Sagre de Madone — *Gonàrs* — *Precinîns*: S. Urbàn.
31. *S. Canzian* — *Planine* — *Postùmie*: fieste tes grotis.

JUIGN

2. *Vile Visentine* (Rude).
3. *S. Tomàs* (S. Cròs di Aidùssine).
4. *Descle* (Salone dal Lusinz): S. Quirin.
6. *I. domènie di juin* — *Pradizzûl* (Cervignàn) — *Udin*: in domo, benedizion dai flòrs su la tombe dal B. Beltràm.
13. *II. domènie di juin* — *S. Antoni di Pàdve* — *Biliane* — *Bilie* — *Bordàn* — *Ciaurèt* (b. d.) — *Cis'celgnûf* — *Clauzèt* — *Davai* (Lauc) — *Frisànc* — *Glemone*: Fûc la ville — *Lasiz* (Pulfar) — *Manzàn* — *Medùn* — *Migee* (b.) — *Palazzûl* — *Planine* — *Porcie* — *Raussèt* (S. Zorz de Richinvelde) — *Sapade* — *Savorgnàn de Tor* — *Scluse* — *Tarnove* — *Tramònz di miez* — *Trep di Ciargne* — *Tre-sesin* — *Udin*: procession al Càrmini — *Vile Santine* — *Zui* — *Zuvièl* (Ravasclet).
15. *Maràn*: procession in bàrcie — *Paulâr* — *S. Vit dal Taja-mènt*.
21. *S. Luis* — *Arbe*: la dom. dopo — *Ruede* (Pulfar) — *Trave* (Lauc): la dom. dopo — *Udin*: procession a S. Quirin.

22. *S. Acazi* *Idrie*: grande fieste dal Patrono des minieris (b. d.).
24. *S. Zuan Batiste* — *Barcis* (d.) — *Ciassà*: la dom. dopo — *Latisane* (b. d.) — *Pulcinic*: la dom. dopo — *Pulfar*: fieste te grote di *S. Zuan d'Antri* — *Remanzàs* — *Sacil*: a *S. Zuan dal Templi* — *S. Zuan dal Nad.* — *S. Zuan di Ciasarse*: la dom. dopo — *Terzìmònt* (*Savogne*) — *Vivâr*.
27. *IV. domènie di juin* — *Tarpèz* (*S. Pieri dal Nad.*): sagre des ciariesiis.
29. *SS. Pieri e Pauli* — *Alni* (*Morùz*) — *Avile* (*Buje*) — *Badie di Rosazzis* (*Manzàn*) — *Bicinins* — *Chievulis* (*Tramònz di sore*) — *Ciamplunc* — *Ciauzèt* — *Cordenòns* (t. d.) — *Cordovât* (b. d.) — *Dimpèz* — *Dobraulis* (*S. Cròs di Aldüssine*) — *Dolegnàn* (b.) — *Dolegne* — *Gabrovizze* — *Gargâr*: sagre dai strùcui e dal gnûf persùt — *Glavòns* (*Rivis d'Arcian*): sagre dai giambars — *Locovizze di Cianał* — *Majàn* — *Malisane* — *Ossècie Vitùje*: la dom. dopo — *Planine* — *Pocenie* (b.) — *Raune di Cis'ciel* (*Cernizze gurizzane*) (b.) — *Romàns di Vâr*: sagre dai giambars — *Ruvigne* — *S. Pieri dal Nad.* (b.) — *Scluse* — *Tarcint* — *Travès* (b.) — *Valvasòn*: la dom. prime o dopo de fieste, secònt c'al ven fissât di an in an (b. s. d.) — *Verzegnis* — *Vilegnove* (*Fare dal Lusinz*) — *Visc* (b.) — *Zui*.

LUI

2. *Visitazion di M. V.* — *Liussùl*.
4. *I. domènie di lui* — *S. Uldari* — *Cividât* (t. b.) — *Ciauzèt*: *Il Perdòn* — *Cussignà* (*Udin*) (b.) — *Entesàn* (*Colorêt di M. A.*): sagre dai òmbui — *Flambrùz* (*Rivignàn*) — *Grau*: prucission pe lagune a *Barbane* — *Marignane* (*Sest al Règhine*) — *Maròn* (*Brugnere*) (b., casotos, d. àncie tal domàn) — *Muzzane* — *Osóf*: *S. Colombe* — *Pravisdòmini* — *Romàns dal Lusinz* (b., t.) — *Rude* — *Salt* (*Povolêt*) — *S. Duri* (*Sacil*) — *S. Zorz de Richinvelde*: sagre de *Richinvelde* — *Spesse* (*Caprive*) (d.) — *Topolò* (*Grimà*) — *Tresesin*: fieste di s. Luis.
11. *II. domènie di lui* — *Azzàn X* — *Dignàn* — *Prate di Pordenòn* — *Prossenic* (*Taipane*): *S. Bonaventure* — *Sacil*: sagre di *S. Liberâl*.
12. *SS. Ermàcore e Fortunât* — *Aquilee* — *Chions* — *Ciale* (*Prepòt*) — *Darte* — *Descle* (*Salone dal Lusinz*): la dom. dopo — *Precinins*: la dom. dopo — *Pulfar*: sagre a *S. Spirit* — *Ranziac* (la II. dom. dopo la fieste di *S. Ermàcore*; b. àncie il lunis dopo) — *Roverèt di Vâr*: sagre dai èmui — *S. Stiefin* (*Buje*) (b. s., m., d.) — *Sapade* — *Savogne* (b.) — *Scrite* (*S. Cròs di Aldüssine*): sagre di *S. Margarite* la dom. dopo) — *Udin*: fieste dai Patronos in Domo.

15. Ciumpèl (Flum venit).
18. *III. domènie di lui* — *SS. Redentôr* — *S. Denêl* — Baracèt — Barc di Pravidòmini — Bèrie (Rienbèrc) — *Bicinins*: Madone dal Càrmini — *Cervignàn* (b. t.) — *Ciamplunc* — *Cordovât*: Madone dal Càrmini — *Cortâl* (Reane): sagre di s. Vicènz — *Dalès* (Trasaghis) — *Dolegnàn* (b.) — *Driulasse* (Teôr): perdòn dal Càrmini — *Fane*: Madone dal Càrmini — Goregne di Salone: *S. Ermàcore* — *Grimà*: *S. Jacum* (b.) — *Lestizze*: Madone dal Càrmini — *Montdispin*: *S. Denêl* — *Palme* (b. s.) — *Palse* (Porcie): sagre dal Càrmini — *Pulfar* — *Ravasclèt* — *Redone* (Tramònz di sore): sagre dal Càrmini — *Remanzâs*: sagre dai glambars — *Rivis d'Arcian*: sagre dal Càrmini — Ronche (Sacil) — *S. Denêl dal Friul* — *S. Laurinz di Sedeàn* — *S. Zuan di Pulcinic*: il Càrmini — *Susâns* — *Tramònz di miez*: la Madone dal Càrmini — *Udin*: procession de Madone dal Càrmini — *Variàn* (Pasiàn): *S. Luis* — *Vendoi* — *Visinâl* (Pasiàn di Pordenòn): perdòn dal Càrmini (b.).
20. *S. Margarite* — *Dolegne*: la dom. dopo — *Montnere*: la dom. dopo — *Sagrât*: sagre dal Redentôr (b. t. d.) — *S. Margarite* (Morùz) — *Sapade*.
22. *S. Marie Madalene* — *Zòpule*: la dom. dopo (b.).
25. *IV. domènie di lui* — *S. Jacum* — *Brugnere* — *Ciamplonghèt* (Bagnàrie) (b.) — *Cis'ciel di Porpèt* — *Cordenòns* (b. c. fûcs, d.) — *Craui* (S. Vit al Tor) — *Daël* — *Dol grant* — *Faedis* — *Jalmic* (Palme) (b. d.) — *Liesse* (Grimà) — *Morùz* (àncie tal domàn) — *Paluzze* — *Pocenie* — *Praturlòn* (Flum venit) — *Riulât*: *S. Filip e Jacum* — *Ruvigne* — *Savorgnàn* (S. Vit dal Tajamènt): sagre di *S. Jacum* (b. c. d.) — *Sedràn* (S. Quirin) — *Slope Zorzi* — *Tamai* (Brugnere) — *Toreàn di Cividât* — *Ugovizze Valbrune* — *Vacil* (Spilimbèrc) — *Vile Visentine*.
26. *S. Ane* — *Conoglàn* (Ciassà): la dom. dopo — *Gracove Seravàl* — *Marie Zell* (Salone dal Lusinz): la dom. dopo — *Morùz* — *Sagrât*.

AVÒST

1. *I. domènie* — *Perdòn di Assisi* — *Auzze* (Cianâl dal Lusinz) — *Belgrât* (Vâr): *Perdòn dai polèz* — *Brazzàn* (b.) — *Buje*: in *Andreuzze* — *Buri* (àncie il lunis): sagre dai polèz — *Fratine Lino* (Pravidòmini) — *Pantianins*: *Perdòn di s. Luis* — *Perteulis* — *Resiute* — *Rodeàn bas* (Rivis d'Arciàn): *S. Antoni* — *S. Vit de Tor* — *Tarnove* — *Val* (Reane): Madone de salût — *Zirà* (Remanzâs): sagre dai polèz.
3. *Invenzion di S. Stiefin* — *Gradis'cie di Sedeàn*.
5. *Madone de nêf* — *S. Svualt* — *Sauris*.
8. *II. domènie* — *Colorèt di M. A.*: la Madone de Cintùrie, cun prucission — *Conoglàn* (Ciassà): *S. Ane* — *Cuelvilàn* (Faedis) (b.) — *Domanins* (S. Zorz de Richinv.) — *Flaibàn*:

- sagre di S. Filumene — *Fors di sot*: sagre de glésie — *Godie*: S. Antoni — Grions de Tor — Madris di Vâr: S. Redegonde — *Pradamàn* — S. Cassàn de Livenze — *Seveàn* (b.) — Vilès (Romàns dal Lusinz).
10. S. Laurinz — Batae de Bainsizze — Ciavoian (Sacil): la dom. dopo — Ersèl in Mont — Fors Avoltris — Locavizze (Aidùssine) — Mersin (Pulfar) — *Palazzùl* — Roncis dal Legionàris — S. Laurinz di Mosse (b.) — S. Laurinz di *Sedàn* — *Sauris* — Vacil (Spilimberc).
15. *Assunzion de Madone* — Aquilee: fieste titolâr de Basiliche — Atimis (b.) — Bânie (Flum venit) — Cesclâns (Ciavâz) — Ciamplunc — *Ciampmuèl* (Teôr) — *Cianâl dal Lusinz* — *Ciassà* — *Ciaurià* (Co'orèt M. A.) — *Cimolais* — *Cisterne* (Coseàn) — *Comeglians* (b. d.) — *Dardago* (Budo) — Dartigne — *Drèncie* — *Driolasse* (Teôr) — Fors di sore — *Fare dal Lusinz*: sagre de Sunte e di S. Roc — Glemone — Lauc (b.) — *Morsàn dal Tajam.*: S. Roc — Moimans — *Montreâl* — *Orzàn* (Remanzâs) — *Palazzùl* (b.) — *Pinzàn* (b.) — *Plasencis* (Merèt) — *Pontebe* — *Porcie* (b., corsis, c., m.) — *Reane* — *Rèsie* (b.) — *Romàns dal Lusinz*: bal dai siors — *Sable grande* (S. Crôs di Aidùssine) — S. *Andràt dal Judri* (S. Zuan dal Nad.) — S. *Margarite* (Morùz) (d.) — S. *Vit de Tor* — *Scrut* (S. Lenàrt) (b.) — *Sest al Règhine* — Tolmin — Torse — *Tramonz di sot* — *Udin*: a Madone di Grâzie — *Udin*: sagre de Madone dai Agnui in Baldasserie — *Vigognûf* (Fontanefrede) (b.) — Viscòn: al Santuari de Madone di Strade — *Vivâr* — *Zirà* (Remanzâs).
16. S. Roc — *Ciasarse*: la dom. dopo — *Ciavâz di Ciargne* — *Lauc* — *Sable grande* (S. Crôs di Aidùssine) — Viersè (Romàns dal Lusinz).
22. *IV domènie* — Atimis: a mont Crôs — Codêr (Sedeàn) — Cormons: perdòn de Cintùrie (b. la dom. dopo) — *Internèp* (Bordàn): perdòn de Cintùrie — *Manazzòns* (Pinzàn) — *Pasiàn* (perdòn de Madone) — *Poulèt*: sagre dai polèz (m., fûcs, d.) — *Risàn*: perdòn de Cintùrie — Rubignà (Cividât): sagre de angùrie sui prâz di S. Eline — S. Marizze (Vâr): perdòn dal cuful — *Segnà* (Tarcint): sagre de angùrie a S. Eufemie — *Seveàn* (Bagnàrie) — *Udin*: procession de Madone dal Redentôr.
24. S. Bortul — *Basèt* (Chions): la dom. dopo — *Corve* (Azzàn) — Erto Cas — Gris (Montreâl) — *Orgnàn* (Pasiàn) (b.) — *Roverèt in Plan* (b.p.d.) — *Schuse* — *Trasaghis*.
29. *Ultime domenie* — *Anduins*: S. Bortul — Ciavenzàn (Ciamp-lunc) — Dilignidis (Lauc) — S. Zorz di Nojâr: S. Bortul — *Tresesin*: sagre di S. Filumene (fûcs, m. b. d.).

SETEMBAR

5. *I domènie* — Basandiele — Bordàn e Internèp (un an par país: chest an a Internèp): sagre sul S. Simeòn, m. 1220 — *Ciampròs* — *Ciassà*: perdòn de Cintùrie — Cividât: il Ciapitul al va a Madone di Mont — Cormòns: tal domàn — *Coseàn* — *Dol Otelze* (Aidùssine) (b. cuc., c.) — *Feagne*: corsis dai mus. (b. d.) — *Gonârs* (b. d.) — *Paluzze*: sagre di piazze — *Prepòt* (b.) — *Pulcinic* — Scodevâcie — *Tierz* (Azzàn) — *Tresesin*: fieste dai ucei.
8. *Nativitât di M. V.* — *Atimis* — *Avian*: grande sagre a Madone di Mont, âncie la ville — *Bertiûl*: al santuari de Madone di Screncis — *Butinîs* (Moimâns) (d.) — *Cechîns* (b. d.) — *Ciamfuarnit*: perdòn dal Cûr — *Cianâl* dal Lusinz: sagre a Marie Zell la dom. dopo — *Ciassà*: sagre de Cintùrie — *Ciaurèt* — *Cions* — *Gradis'cie* (Spilimbèrc) — *Gradis'cie di Sedeàn*: Maternitât di M. V. — *Maniâ* (b., c., p., d.) — *Moncorone* (Salcàn) — *Nimis*: Madone de Planele: famose sagre cun duc' i divertimènz e cul bon vin di Ramandul — *Opaciasele*: la dom. dopo — *Paradis* (Pocenie) — *Pordenòn*: sagre al santuari des Grâziis — *Raviei* — *Rivis* (Sedeàn) — *S. Vit dal Tajamènt*: sagre a Madone di Rose — *Savorgnàn de Tor*: fieste dal vin (d.) — *Teôr* — *Tesis* (Vivâr) — *Trente* dal Lusinz — *Trivignàn* (b.) — *Udin*: a Madone di Grâzie — *Vile Santine*: sagre a Madone dal Puint.
12. *II domènie* — Vinai (Lauc).
14. *Esaltazion de S. Crôs*: *Ciasarse* — *Lestâns* (Sequals): la dom. dopo — *S. Crôs di Aidùssine*.
19. *III domènie* — *Ciadunee* (Tumiez): Madone dai 7 Dolòrs — *Ciopris* — *Dartigne*: sagre dal Redentôr sul Quarnàn: m. 1372 — *Fauis* (Gonârs) — *Fontanefreda* (b. d.) — *Grimà*: S. Martin — *Merne* — *Merèt di Tombe*: sagre de Dolorade (la Madone 'e ven puartade la sere de ville de vècie glèsie dai Agostinians a la parochiâl) — *Morteàn* (b., t., s.) — *Pagnâ* (b., d.) — *Pasian di Prât* — *Passòns* — *Perteulîs* — *Paulâr* — *Pravisdòmini* (b., d.) — *Rienbèrc* — *Riverote* (Pasian di Pordenòn): sagre dal vin gnûf — *Roncis di Latisane* — *Staranzàn*: sagre des razzis — *Trep di Ciargne* — *Udin*: pruçission de Madone dai 7 Dolòrs a lis Grâziis.
26. *IV domènie* — *Ciasteons di Strade* — *Costne* (Grimà): S. Matie — *Ersèl in Mont* — *Felèt* — *Feletis* (Bicinîns) — *Flum venit* — *Joannîs* — *Quals* (Reane) — *S. Zuan dal Nadisòn* (b.) — *Sedeàn* (b. t. d.) — *Spilimbèrc*: sagre a l'Ancone — *Uelis* (Manzàn) — *Zui*: S. Luis.
29. *S. Michêl* — *Arbe* — *Bileris* (Magnàn) — *Ciampmuèl* — *Cianûs* (Vile di Vâr) — *Merèt di Tombe* — *Pescincane* (Flum venit) — *S. Denêl dal Ciars*.

OTUBAR

1. *S. Remìgio* — Ciavàz gnûf: la dom. dopo.
3. *I domènie — Arbe* — Bordàn — Ciavàz gnûf: *S. Remìgio* patron de paròchie — *Clauzèt* — Colorèt di Pràt — *Cor-denòns* — *Cordovât* — *Coseàn* — *Craui* — *Dartigne* — *Dimpèz* — *Fors Avoltris* — *Fors di sot* — *Lauc* — *Liesse* (*Grimà*) — *Locovizze* di *Cianâl* — *Madris* di *Vile* di *Vâr* — *Moimàns* (d.) — *Pantianins* — *Poz* — *Pricinins* — *Puzzui* — *Raspàn* (*Classà*) — *Ravose* — *S. Denêl dal Ciar* (b. d.) — *Tor di Pordenòn* — *Travès* — *Tramònz di sot* — *Trep di Ciargne* — *Turide* — *Verzegnis*.
10. *II domènie* — *Bicinins*: *sagre de Glèsie* — *Cisterne* — *Codugnèl* (*Colorèt di M. A.*): la *Madone de Fuee*, cun prucission — *Craui* (*S. Vit de Tor*): *sagre de vendeme* — *Dobre* (*Biliane*): *sagre dal licòf* — *Gradis'cie* di *Sedeàn*: *Maternitàt di M. V.* — *Magnàn in Riviere*: *pardòn dal Rosari* — *Manzàn* (b. d.) — *Palme*: *S. Justine* (corsis, t., b.) — *Pradamàn* (b.) — *Prate di Pordenòn* — *Rorai grant* — *S. Foche* (*S. Quirin*) — *Siviàn* (*Rivignàn*): *sagre de pignate* — *Tavagnà* — *Udin*: *Madone dal Rosari a Laipà* — *Valerian* (*Pinzàn*) — *Vergnà* (*Reane*) — *Vile* di *Verzegnis* — *Vileuarbe* (*Pasian*): *Madone dal Rosari* — *Vilute* (*Cions*).
15. *S. Tarèsie* — *Aidùssine* — *Idrie*.
17. *III domènie* — *Bresse* — *Ciamin di Buri*: *sagre dai ucei* — *Ciaurèt* (b. d.) — *Dolegne*: *sagre de ribuele* — *Fare dal Lusinz*: *sagre de vendeme* — *Grions* di *Sedeàn* — *Osòf* — *Paludee* (*Cis'cielgnûf*): la *Madone de Pàs* — *Pulfar*: *San Luche* — *Riverote* (*Teôr*) (b.) — *Rizzùl* (*Reane*): *Madone dal Rosari* — *Teôr* (b.) — *Tombe di Merèt*: la *Madone de Salût* — *Trep grant*: *perdòn dal Rosari* — *Vilegnove* (*Prate di Pordenòn*).
24. *III domènie* — *Bagnarole* — *Bileri* (*Magnàn*) — *Buje* (p. b. pe clase di *Ricovar*: àncie tal domàn) — *Cividât*: *fieste de B. Benvignude Bojane* te *glèsie* di *S. Pieri* dai *Volz* — *Feletis* — *Flaibàn*: *perdòn dal Rosari* — *Gris* (*Bicinins*) — *Osòf*: *s. Justine* — *Rèsie* — *S. Quirin*: *Madone de Salût* — *Sedeàn*: *Madone di Lourdes* — *Silvele* (*S. Vit di Feagne*).
28. *S. Simòn* — *Codroip* (27, 28, 29): *casotos*, d., ecc.
31. *Ultime domènie* — *S. Quirin*: *Madone de Salût* — *S. Zuan dal Nadisòn* (b.).

NOVEMBAR

1. *Duc' i Sanz*: *Rivignàn*: àncie tal domàn (b.).
4. *S. Carlo - Fieste de Vitòrie* — *Cisèriis* — *Dael* — *Ravasclèt*
8. *Cianâl dal Lusinz*: *S. Martin*.
11. *S. Martin* — *Auzze* (*Cianâl dal Lusinz*) — *Baracèt* (*Coseàn*) — *Barc* (*Pravisdolini*) — *Cerzuvint* — *Cividât* (*casotos*,

- b., d.) — Clauzèt — Cuar di Rosazzis — *Fane* (d.) — Gàbrìe (S. Denèl dal Ciars) — *Internèp* (Bordàn) — *Latissane* (b.) — Montnere (Idrie) — Ossècie Vituje: la dom. dopo — Pinzàn — Quargnûl (Porpèt) — *Resiute* (àncie tal domàn) — *Romàns dal Lusinz*: b. la dom. dopo — S. Laurinz di Mosse (b.) — S. Martin (Montreàl) — S. Martin dal Ciars — *Savalòns* (Merèt di Tombe) — Savogne dal Lusinz.
19. *S. Lisebete* — *Romàns dal Lusinz* (b.).
21. *III domènie* — *Madone de Salùt* — Basèlie (Spilimbèrc) — Bordàn — *Cerzuvint* — *Ciassà*: S. Valantin — *Ciaurèt* — *Cis'celgnûf* — Dardago (Budoe) — *Darte* — Dignàn — Fors di sore — Fraforeàn — Nearèt (Coseàn) — *Palazzûl*: sagre de Madone ogni 5 ains: 1930-35-40 ecc. — *Risàn* — *Sequals* — *Tiez* (Azzàn) — *Tramònz di sore* — Vilote (Cions).
25. *S. Catarine* — *Udin*: in zardin grant: casotos, d. ecc.
28. *IV domènie* — *Prime di Avent* — *Cisterne* (Coseàn) — *Montegnà* (Ciassà) — *Silvele* (Feagne).
30. *S. Andree* — *Atimis* (d.) — *Ciasteòns di Zòpule* — *Erbèz* (Pulfar) — Grions di Sedeàn — Gris (Bicinins) — *Opaciasèle* (b. d.) — *Pasian* — *Ranziàn* (Cianâl dal Lusinz) — *Venzòn* — Zuvìel (Ravasclèt).

DICEMBAR

2. *S. Bibiane* — *Gurizze*: sagre e marciât di S. Andree cun grant concòrs di int e divertimènz di ogni fate.
4. *S. Bàrbare* — *Culture* (Pulcinic) — Idrie — Ossècie Vituje: la dom. dopo — Tauriàn (Spilimbèrc).
6. *S. Nicolò* — *Comeglians* — *Crede* — Liussûl — *Rodeàn bas* (Rivis d'Arciàn).
8. *L'Imacolade Concezion* — Budoe — *Ciampmuèl* — *Cuje* (Tarcint) — *Gòdie* (Udin) — *Pantianins*: la Madone Mericane — Sornic (Dartigne) — *Taipane* — Trep di Ciargne.
13. *S. Lùssie* — Budoe — *Casiàc*: la dom. dopo — *Darte* — Glemone — Lauc: la dom. dopo — *Raspàn* (Ciassà) — *S. Lùssie di Tolmin* — Sedilis (Tarcint) — *Udin*: sagre, al Redentôr — *Venzòn*: sagre te glesiute di S. Lùssie — Zuvìel (Ravasclèt).
21. *S. Tomàs* — Scrlie — *Vinai* (Lauc).
26. *S. Stieffin* — *Cesclàns* (Ciavàz di Ciargne) — Gradis'cie di Spilimbèrc — Leupe (Cal di Cianâl) — Salcàn — Vipau.
27. *S. Zuan Vanzeliste* — Magnàn: sagre de glésie.
28. *I Sanz Nocènz* — Bordàn — Ciadunee (Tumiez) — *Tresesin*.
31. *S. Silvestri* — *Opaciasèle* (b. t.).

MARCIÂZ GRANC' E PÌZZUI

di dut il Friul par l'an 1937

cu la popolazion efetive di ogni Cumune e l'indicaziòn (p)
se jé la pese pùbliche



- *Aidussine* (ab. 6674) — Ai 10 di zenâr, fevrâr, marz, avrîl, mai, lui, avòst, setembar, novembar e dicembar; ai 24 di juin e ai 15 di otubar: cereai e marcanziis. Se colin di domènie, il lunis dopo (2 p.).
- *Aquilee* (ab. 9388) — Il lunis de Setemane Sante; ai 12 di lui S. Ermàcore); il lunis denànt Nadâl: Marciâz granc' (p).
- *Atimis* (ab. 4000) — Il 30 di nov.: marcanziis e barachis (p).
- *Avian* (ab. 9782) — Ogni III miarcus: nemai e marcanziis (p).
- *Azzàn* (ab. 10488) — Il II lunis di lui: nemai e marcanziis — Duc' i lunis: nemai, ciavai, mus, mercanziis, purciz, panine. Il 22 di nov. a Tiez: nemai e mercanziis (3 p).
- *Bergogne* (ab. 1888) I joibe di avrîl e di otubar: panine, imprèsc' di contadin e marcanziis di ogni genar.
- *Bertiùl* (ab. 3424) — 11 di nov., fiere di S. Martin (p).
- *Brugnere* (ab. 5313) — A Maròn, il lunis dopo la I domènie di lui e di otubar: nemai, ciavai, etc. (p).
- *Budoe* (ab. 4108) — I dom. di setembar: marciât di pioris.
- *Buje* (ab. 11750) — Ogni IV lunis dal mès: nemai, mercanziis, etc.; il 12 e 13 di lui: grans, mercanziis (p).
- *Buri* (ab. 2531) — I domènie di mai e il lunis dopo: Fiere campionàrie interprovinciâl dal vin (p).
- *Cernizze Gurizzane* (ab. 2916) — La domènie dopo dai 15 di juin.
- *Cervignàn* (ab. 6554) — Il I lunis dopo S. Martin (11 di nov.) — Dutis lis joibis: grans e marcanziis; ogni I joibe dal mès ance nemai (se colin di fieste, la zornade dopo) (p).
- *Cerzuvint* (ab. 1279) — S. Valantin (14 di fevr.), S. Margàrite (23 di fevr.), S. Gotàrt (5 di mai) e la Madone di Avòst (15 e 16 di av.): mercanziis.

- *Chiaicis* (Verzegnis, ab. 1817) — I dom. di setembar (p).
- *Chions* (ab. 5370) — A Vilute il lunis dopo la II domènie di otubar (p).
- *Ciago* (Medùn, ab. 2582) — Marciât grant di S. Valantin (14 fevrâr). Pese a Medùn.
- *Cianâl dal Lusinz* (ab. 4368) — Ai 19 di marz; il lunis denant la fieste di S. Martin (11 di nov.): mercanziis, imprèsce' di len di ogni genar e purciz (p).
- *Ciasarse* (ab. 6500) — Il II e IV miarcus di ogni mès. Pese a Ciasarse e a S. Zuan.
- *Ciaurèt* (ab. 6420) — Ai 19 di marz, 13 di juin, il I lunis dopo S. Martin: mercanziis (p).
- *Circhine* (ab. 8213) — Ai 25 di avril (S. Marc) e ai 26 di lui (S. Ane): mercanziis; la I dom. dopo S. Martin (11 nov.) (p).
- *Cis'cièl di Rienbèrc* (ab. 3754) — S. Uldari (la domènie dopo il 5 di lui) — dutis lis domèniis dopo lis Quatri Timporis (il plui important in autùn); imprèsce' par contadins e specialmentri par produtôrs di vin, come solforatricis, botis, tinazzis, etc.
- *Cividât* (ab. 11584) — Martars, joibe e sàbide: mercanziis — dutis lis sàbidis: purciz e pioris — l'últime sàbide dal mès: ciavai — 11 di novemb. (S. Martin): marciât grant.
- *Clàut* (ab. 2230) — S. Zorz (23 di avril) e S. Gotàrt (8 di setemb.).
- *Clausèt* (ab. 1649) — S. Valantin (14 di fevr.). Perdòn (la dom. dopo la Sense); I dom. di lui e I di ot.: marciâz granc' — Dutis lis domèniis dal an: marciâz pizzui (pomis, verduris, creps, etc.) (p).
- *Codroip* (ab. 14563) — S. Simòn (27, 28 di ot.): nemai, ciavai, bûs e ogni genar. Duc' i martars: purciz, pioris e mercanziis. Martars e sàbide: polàm. Il I e il III martars di ogni mès: nemai, ciavai, pioris, mercanziis (se colin di fieste, la zornade dopo) (p).
- *Comeliâns* (ab. 1885) — Il prin dal an; S. Nicolò, il 6 e 31 di dicembar; il 31 di otubar: nemai e mercanziis (p) — San Florian (4 di mai): marciât a Povolâr.
- *Cordovât* (ab. 2867) — S. Josèf (20 di marz) e Madone di setembar (9 di set.), S. Michêl, 29 di set.: nemai, mercanziis, etc. (se colin di fieste, la zornade dopo) (p).

- *Cormòns* (ab. 8227) — Fiere di S. Zuan (25 di juin). Il lunis dopo la I domènie di set. (perdòn de Cintùrie). Miarcus e vinars di ogni setemane: pomis, grans, marcanziis. Il I vinars di ogni mès: nemai, purciz, etc. In juin, ogni dì, marciât des ciariesis; in setem. e otub., ogni dì, marciât de ùe (p).
- *Daël* (ab. 2195) — Ai 4 di nov.: nemai, grans e mercanziis (p).
- *Damâr* (ab. 1263) — S. Valantin, 14 di fevr.: duc' i genars.
- *Darte* (ab. 4842) — 12 di lui: marciât grant di S. Ermàcore; — 13 di dicembar (S Lùzie): nemai e marcanziis.
- *Dartigne* (ab. 5600) — Il II lunis di ogni mès: nemai e mercanziis (p).
- *Davâr* (ab. 3650) — Il II lunis di ot. e S. Martin: 11 e 12 di nov.: nemai e marcanziis (p).
- *Denemònz* (ab. 2661) — Il lunis dopo la prime dom. di ot. nemai e mercanziis — S. Ermàcore (12 di lui) (p).
- *Dimpèz* (ab. 2413) — Il II lunis di mai: nemai e mercanziis; ai 29 di juin: mercanziis; ai 9 di setembar: nemai e mercanziis. Se chest al cole di domènie, la zornade dopo (p).
- *Dogne* (ab. 1219) — Ai 10 di avost e ai 6 di novembar: mercanziis.
- *Dol Otelze* (Aldüssine: ab. 6203) — Ai 25 di mai e la prime sàbide di setembar: nemai e marcanziis. Pese in Aldüssine
- *Duin* (ab. 4632) — S. Zuan, 24 di juin: ciavai.
- *Faedis* (ab. 5047) — Ultime domènie dal mès di lui (sagre di S. Jacum): ogni genar (p).
- *Feagne* (ab. 8721) — Il II martars e la IV joibe di ogni mès: nemai, purciz, etc. (se còlin di fieste, la zornade dopo (p).
- *Flaibàn* (ab. 2200) — La II joibe di ogni mès: nemai — Viodi: S. Duri.
- *Fors Avoltris* (ab. 2477) — Il 27 di ot.: nemai, ciavai, pioris, ciaris, etc. (p).
- *Fors di sore* (ab. 1767) — Il 21 di nov.: nemai, panine e mercanziis, etc. (p).
- *Fors di sot* (ab. 1717) — La joibe dopo la III dom. di ot. (p).
- *Gargàr* (ab. 3073) — Fiere di nemai ai 9 di set.

- *Glemone* (ab. 12231) — S. Blàs, 3 di fev. e ai Sanz, 2 di nov.: nemai etc.; — S. Antoni, 13 di juin: mercanziis. Il I e III vinars di ogni mès: nemai, etc.; — dutis lis domèniis: mercanziis (p).
- *Gradis'ce dal Lusinz* (ab. 5326) — S. Bastian, 20 di zenâr: nemai etc. Ogni martars e sàbide: pomis, semenziis, grans, foràgios — ogni II martars e ogni ùltime sàbide dal mès: nemai, grans, panine, imprèsc' di contadin, etc. (p).
- *Grado* (ab. 6036) — La I e III sàbide dal mès — Durànt la stagion dai bagnos: la ùltime sàbide dal mès.
- *Gurian* (Comèn: ab. 5575) — Ai 12 di lui: grans e mercanziis.
- *GURIZZE* (ab. 49.239) — Marciât grant di S. Ilari dal 16 di marz — marciât grant di S. Bortul ai 24 di avòst — di S. Michêl tal lunis dopo il 19 di set., — di S. Andree tal lunis dopo il 30 novembar par 8 dis. I marciâz granc' di S. Ilari e di S. Bortul a scomenzin te zornade dopo se la di dal Sant a cole di domènie. La seconde e ùltime joibe di ogni mès (o la di dopo se jè fieste): nemai e marcenziis (p).
- *Idrie* (ab. 10705) — Il miarcus di Pasche; il 21 dec.: marciâz granc'. — Il 16 di mai, il 15 di ot. e il 4 di dic.: nemai e marcenziis. — A *Idrie di Sot*: il 17 di marz, il 5 di mai, il 16 di avòst, il I lunis dopo la I. dom. di ot., l'11 di nov.: nemai e marcenziis (p).
- *Laglèsie* (Pontebe: ab. 348) — La I dom. di ot.: marciât grant.
- *Latisane* (ab. 9243) — La di dopo S. Zuan (25 di juin); — S. Jacum, 25 di lui; S. Bartolomio (24 di av.) — San Matio, 21 di set.; — S. Martin, 11 di nov. — Ogni miarcus: grans, panine, mercenziis, nemai, ciavai, pioris, etc. (p).
- *Majàn* (ab. 7157) — La II joibe di ognis mès: nemai (p).
- *Manià* (ab. 6433) — Il lunis sant, marciât dal Ulif; — il lunis plui tacât a S. Jacum (25 di lui) e a S. Maur (21 di nov.). Ogni lunis: grans, mercenziis, nemai (p).
- *Maràn* (ab. 2035) — Ogni di marciât dal pès.
- *Martignà* (ab. 4325) — L'ultin martars di ogni mès: nemai (p).

- *Medùn* (ab. 2987) — Ultime dom. di set.: marciât grant (p)
— dutis lis domèniis.
- *Migee* (ab. 1216) (Cormòns) — Ai 13 di juin: mercanziis; dal
15 di juin al 16 di nov.: pomis e verdure (p).
- *Monfalcòn* (ab. 18202) — S. Antoni, 13 di juin; S. Nicolò,
6 di dec.: zujàtui, boinbòns, etc. — Ogni III miarcus dal
mês: panine, mercanziis (p).
- *Montdispin* (ab. 4037) — Ai 15 di set.: marciât di nemai.
- *Montnere d' Idrie* (ab. 3668) — Al 24 di avrìl e tal I lunis
dopo il 8 di setembar: nemai e mercanziis; I domènie dopo
S. Margarite (13 di lui) e I dom. dopo S. Martin: grans
e mercanziis.
- *Morsàn dal Tajamènt* (ab. 4230) — Prin lunis di marz e di
setembar: nemai e mercanziis (p).
- *Mortcàn* (ab. 5610) — S. Pauli, 25 di zenâr — Duc' i miar-
cus: polèz, verduris, mercanziis — il II e ultin miarcus
dal mês: nemai, clavai, pioris, etc. (p).
- *Mosse (Caprive)*: ab. 4359) — Il I martars di ogni mês: nemai.
- *Muez* (ab. 4228) — S. Josèf, 19 di marz; — Madone de Sa-
lût (21 nov.).
- *Nimis* (ab. 4869) — Madone di set. (8 di set.) — Il II lunis
di ogni mês: nemai, mercanziis (2 p.).
- *Osôf* (ab. 3920) Il I lunis di ogni mês: grans e mercanziis
— Il lunis dopo la I domènie di lui: fiere di S. Justine
— il lunis dopo la III dom. di otubar (p).
- *Palazzùl* (ab. 3249) — S. Antoni di juin (13), S. Laurinz (10
di avòst), la dom. dopo.
- *Palme* (ab. 6504) — Duc' i lunis: marciât di nemai — Duc'
i lunis di otubar, fûr che il prin: fiere di Sante Justine
— Duc' i lunis e i vinars: mercanziis (p) — Pese àncie
a Jalmic e a la Stazion dal treno.
- *Paluzze* (ab. 3653) — Il IV lunis di marz, set. e nov.; — il
IV martars di mai e di ot.; S. Jacum, 25 di lui; — S. Ane,
26 di lui; — la I domènie di set.: sagre di plazze (p).
- *Pasian (Basilian)*: ab. 5553) — Il 30 di nov. — Il III lunis di
ogni mês (p).
- *Pasian di Pordenòn* (ab. 9973) — Il I e III vinars di ogni
mês: nemai e polàm (p) — a Cechins, marciât di nemai il

- II martars di avrìl — A Riverote, marciât di nemai il IV lunis di setembar (p).
- *Pavie* (in *Percût*) ab. 4998) — I sàbide di ogni mès e ai 18 di marz (vilie di S. Josèf): nemai. Pese a Pavie, Percût e Risàn.
 - *Plez* (ab. 4731) — Ai 19 di marz; I dom. dopo il 4 di lui e 29 di setembar: marciâz granc' (p).
 - *Pontebe* (ab. 4022) — S. Josèf, 19 di marz; — Madone di set., 8, 9, di set.: nemai, marcanziis, fiaramente, imprèsc' di cusine.
 - *Pordenòn* (ab. 23481) -- Ogni sàbide: nemai e mercanziis; — prime sàbide di mai (S. Gotàrt), II sàbide di novembar (S. Martin): marciâz granc' (p).
 - *Postùmie* (ab. 6692) — Il 24 di avòst; il 18 di ot. — il 3 di decembar. — Ogni prin di mès.
 - *Poulèt* (ab. 4726) — IV dom. di avòst: mercanziis (p).
 - *Povolâr* (ab. 245 (Comelians) — Ai 4 di mai: nemai e mercanziis (pese a Comelians).
 - *Prate di Pordenòn* (ab. 5134) -- Il I martars dal mès.
 - *Pravisdòmini* (ab. 3436) — Il IV lunis di fev.; il IV vinars di setembar: nemai e mercanziis (p).
 - *Prossèc* (Prov. di Triest) — Fiere di S. Martin (11 di nov.).
 - *Pulcinie* (ab. 5191) — La I dom. di setembar: marciât di zeis. Pese a S. Zuan.
 - *Ranzian* (ab. 3333) -- S. Ermàcore (12 di lui): la II dom. e il lunis dopo: marciât grant. Il prin lunis di set.: nemai e mercanziis (p).
 - *Ravascièt* (ab. 1680) — Il lunis dopo lis Pentecostis (marciât di S. Spirit): grans e marcanziis.
 - *Rèsie* (ab. 3114) — Prin di mai — Madone d'avòst: ciaris, pioris, marcanziis; — ùltime domènie di ot.
 - *Resiute* (ab. 838) — 2 di avòst — S. Martin, 11 e 12 di nov.: marciâz di plazze.
 - *Rienbèrc* (ab. 4200) — La I dom. dopo S. Uldari (4 di lui) e ogni dom. des Quatri Timporis: grans e marcanziis.
 - *Riulât* (ab. 2135) — La III dom. di zenâr (fieste dal Bambin) e l'ùltime dom. di lui: genars e marcanziis.

- *Rivignàn* (ab. 4229) — ai Sanz e ai 2 di nov. — Duc' i lunis: polèz, blave, mercanziis — il III lunis dal mès: ance nemai (p).
- *Romàns dal Lusinz* (ab. 4308) — S. Elisabete 19 di nov.: nemai, mercanziis etc. — Se al cole di fieste si fâs la zornade dopo il IV martars di ogni mès: nemai (p).
- *Ronzine* (ab. 625) (*Cianâl dal Lusinz*) — S. Marc: mercanziis — Ai 30 di nov. (S. Andree): marciât grant.
- *Sacil* (ab. 12000) — Ogni joibe: nemai e mercanziis (se la joibe 'e cole di fieste, il marciât si antizipe di une zornade) — il I di setembar: marciât di ucei e di argains par selâ (p).
- *S. Crôs di Aidüssine* (ab. 3194) — 5 di fevr. — Il lunis dopo il Corpus Dòmini; — il 14 di set., il 5 di nov.: nemai e mercanziis. Pese ance a Dobràulis.
- *S. Denêl dal Ciaris* (ab. 2080) — Ai 7 di zen., 21 di fevr., 21 di mai, 30 di juin, 22 di avòst: nemai. (Se colin di dom., la zornade dopo) (p).
- *S. Denêl dal Friul* (ab. 7740) — Il III miarcus di ogni mès: nemai — duc' i miarcus: grans, panine, mercanziis — il miarcus plui vicin ai 28 di avost (2 p.).
- *S. Durî-Flaibàn* (ab. 1822) — A Flaibàn, la II joibe di ogni mès: nemai.
- *S. Lùzie di Tulmin* (ab. 5385) — S. Valantin, 14 di fevr., il prin lunis dopo Pasche e dopo lis Pentecostis; — la domènie dopo di S. Jacum (25 di lui) — la dom. dopo di S. Simòn (28 di ot.); — S. Lùzie, 13 di dec.: in duc' panine, imprèsce' di contadin, mercanziis (p). Se S. Valantin, S. Jacum e S. Simòn 'e colin di domènie, il marciât si traspuarte te domènie dopo. Te frazion di Mont San Vit, marciât grant ai 19 di marz, ai 15 e ai 29 di juin (p).
- *S. Pieri dal Nadisòn* (ab. 3039) — Marciât la dì di S. Pieri (29 di juin).
- *S. Vit dal Tajamènt* (ab. 12874) — S. Nicolò, 5 e 6 dicembar; 12 e 13 di juin (S. Antoni); prin vinars dal mès; tiarz vinars di zenâr, fevrâr, marz, otubar, nov. e dicembar: nemai. Se colin di fieste, si antècipin di une zornade. Ogni vinars: purciz, pioris e mercanziis (p).

- *S. Vit di Vipau* (ab. 2548) — Ai 14 di marz, 15 di juin, e 20 di nov.: nemai, grans e ogni genar di marcanziis (p).
- *S. Zorz de Richinvelde* (ab. 5192) — Prin miarcus di ogni mès: nemai.
- *S. Zorz di Nojâr* (ab. 9762) — Dutis lis domèniis: mercan-ziis (p).
- *Sapade* (Ciadovri) (ab. 1344) — III lunis di mai e IV lunis di otubar: nemai.
- *Sauris* (ab. 750) — Ùltime dom. di mai: nemai.
- *Scluse* (ab. 2539) — La comènie prime di S. Valantin (14 di fevr.), di S. Bartolomio (24 di avòst) e di S. Michèl (29 di set.): nemai, formadi e marcanziis.
- *Sest al Règhine* (ab. 6420) — La IV sàbide di zenâr, marz, mai, lui, setembar e novembar (p). — A Bagnarole il II martars di avrìl e il IV martars di ot.: marciâz granc'.
- *Soclêf* (ab. 2580) — Ai 25 di avrìl e l'ùltime sàbide di otubar: nemai (p). A *Midies* il 24 di mai: nemai.
- *Sònzie* (ab. 1078) — Fiere di S. Josèf (19 di marz).
- *Spilimbèrc* (ab. 9397) — S. Roc, 16 di avòst; — Madone dal Rosari (il prin lunis di otubar) — Ogni sàbide: marcanziis; — ogni lunis di marz, avrìl, mai e il I e III lunis dai altris mès: marciât grant (p).
- *Stùrie des Fusinis* (ab. 554) (Aidùssine) — Il I di fevr., il lunis dopo l'Otave di Pasche e il miarcus dopo la prime domènie di otubar: nemai e marcanziis. Pese in Aidùssine.
- *Sute* (ab. 559) (Comèn) — Il I di setembar: grans e mercanziis.
- *Talmassòns* (ab. 5002) — A Flambri marciât grant di San Filiz il lunis dopo la III dom. di nov. (p).
- *Tarcint* (ab. 12061) — S. Pieri 29 di juin — Il Vinars Sant — I dom. di otubar — Ogni lunis, miarcus, vinars e dom. mercanziis, pomis, etc.; — il III lunis di ogni mès: nemai (p)
- *Tramònz di Sore* (ab. 1821) — Ai 21 di novembar (Madone de Salùt): mercanziis. A *Clèvolis*, ai 29 di juin (S. Pieri): marciât grant. A Redone, la III dom. di lui (Càrmini): marciât grant.
- *Travès* (ab. 2683) — S. Pieri, 29 di juin — I dom. di otubar — S. Lùzie (13 di dic.) — Dutis lis joibis e lis domèniis: mercanziis (p).

- *Tresesin* (ab. 5630) — Marciât dai ucei la I dom. di set.
— Il I lunis e III martars dal mès: nemai, ciavai, purciz, pioris, etc. — Dutis lis domèniis: polàm, genars e mercanziais — Ultime dom. di avòst: esposizion e marciât di polàm e altris bèstiis di curtil (p).
- *Tulmin* (ab. 6884) — Il II lunis di ogni mès: marciât grant
— ai 23 di avrìl, la I dom. dopo il Corpus Domini, ai 21 di setembar: marciâz granc' di genars e mercanziais (p).
- *Tumiez* (ab. 7000) — Marciât grant dai Sanz: I lunis di novembar — Marciât grant di marz: I lunis di marz.
- *UDIN* (popol. efetive ab. 66488) — Prime e tiarze joibe di ogni mès: nemai e ciavai — Prime quindisine di setembar: concòrs di tàurs e torei — Fiere di S. Antoni: 21 di zenâr — Fiere di S. Valantìn: 14 e 18 di fevrâr — Fiere di S. Zorz: 22-23 di avrìl (ciavai e nemai) — Fiere di S. Laurinz: 10 di avòst — Fiere di S. Catarine: 25 di novembar — Dutis lis joibis: pioris e purciz — Duc' i martars, lis joibis e lis sàbidis: marciât di lens e di foràgios — Tai mès di mai e di juin: fuee pai cavalirs — Tai mès di avòst e setembar: angùriis — In setembar e otubar: marciât da l'ue.
Duc' i martars, lis joibis e lis sàbidis: marciât de blave, dal formènt e di altris cereai in Plazze XX Setembar — Ogni di: pomis e verdure al ingruès in te gnove sede di vie Volturmo (fûr puarte di Grizzàn) — Pomis e verdure al minût in Plazze S. Jacum — Polàm e ucei, in plazute di S. Nicolò (V. Zanòn) — Di ogni genar di grabàtui, in contrade Zanòn — In otubar, novembar e dicembar: cistinis al ingruès in Plazze XX Setembar.
- *Valvasòn* (ab. 7317) — Il IV lunis di ogni mès: nemai, purciz, mercanziais.
- *Venzòn* (ab. 3909) — S. Andree, 30 di novembar — S. Lùzie, 13 di dicembar (p).
- *Verpojàn* (ab. 663) (Vipau) — Ai 22 di zen., 24 di avrìl, 9 di juin e al 29 di set.: nemai e mercanziais.
- *Vile Santine* (ab. 1722) — Il I lunis di dec.; il lunis dopo la III dom. di ot.: nemai, purciz e ogni genar (p).
- *Vipau* (ab. 5737) — Ai 20 di ogni mès: ciavai, nemai, purciz, mercanziais. — La penùltima di di carnevâl, il martars

dopo Pasche, il lunis dopo la Madone di Avòst e la fleste dai ss. Simòn e Giude (28 di otubar): ogni genar di mercanzia. A Gozze, il 30 di nov. (S. Andree): marciât di nemai — A Slape Zorzi, ai 22 di nov. (S. Cecilie): nemai e mercanzia (p).

- *Vit d' Asi* (ab. 2783) — A Ciassâs, il IV lunis di marz, avrîl, ot. e nov.: nemai e ogni genar (p. ad Anduins).
 - *Vivâr* (ab. 1750) — 24 di juin: purciz (p).
 - *Volzane* (ab. 704) (Tulmìn) — Il 6 di novembar (S. Lenàrt) e la I dom. dopo S. Zuan (24 juin): grans e mercanzia.
-

